

# A JE' JU'UNA', RAJI' TI' U YET **WINIQUIROB JUDÍO A CU TSICBAROB U T'AN HEBREO HEBREOS**

*A C'uj o' caj tsicban<sup>ñ</sup>ij ti' to'onex soc ic najtiquex  
 u t'<sup>ñ</sup>an*

<sup>1</sup> Ch'ic uch, a C'uj o', quij, caj u t'<sup>ñ</sup>nob ic nunquirex u winiQuirob judío. Ya'ab u tenin caj u t'an ti'ob, caj u ts'aja u tucurob y<sup>ñ</sup>jtseq'uirob u t'<sup>ñ</sup>n C'uj quir u tsicbarob ti' ic nunquirex a ba' u c'at C'uj. A jun xot'o' caj ts'a'b ti' jujunturi mac uch, u jer jun xot' u t'<sup>ñ</sup>n caj ts'a'b ti' u jer mac. Bayiri' caj esaj ya'ab ba' ti'ob soc yerob a ba' u c'at C'uj.

<sup>2</sup> Chen a je' q'uina', quire' tab u xur t'<sup>ñ</sup>n raji' caj u t'<sup>ñ</sup>naajo'onex, tan u c'<sup>ñ</sup>nic u parar quir u t'<sup>ñ</sup>nic to'onex. A C'uj o' caj u betaj tu cotor ba', cax a ru'umo', cax a ca'anano' caj u c'<sup>ñ</sup>naj Jesús quir u betic a ca'anano', quir u betic ich yoc'ocab xan. A C'uj o', caj u toc r<sup>ñ</sup>c ts'aj ti' u parar tu cotor ba' soc raji' y<sup>ñ</sup>nin u parar. <sup>3</sup> An ten bic cu sasir ic yumo', bayiri' a Jesúso' cu yesic u muc' u Tet C'uj. M<sup>ñ</sup>a ja wirej, p'eriri'ob, Jesús quet yejer u Tet. Raji', yejer tu cotor u muc' cu c<sup>ñ</sup>nantic a je' yoc'ocab. M<sup>ñ</sup>a ja wirej, raji' cu c<sup>ñ</sup>nantic tu cotor aro' quire' jach chich u muc' u t'<sup>ñ</sup>n. Raji' caj ts'oc u r<sup>ñ</sup>c ruc'sic u si'pir tu cotor mac ich cruz. Caj curaj ich u noj C'uj ich ca'anán, a mac jach manan u muc'. Caj curaj ich u noj C'uj quir u bin s<sup>ñ</sup>jta'bir ten tu cotor mac.

*A y<sub>λ</sub>jmasirob u t'<sub>λ</sub>n C'uj, jach no'j, chen a no'jo'  
a ra' y<sub>λ</sub>nin u parar C'uj, jach manan no'j*

<sup>4</sup> U parar C'uj jach manan ti' u y<sub>λ</sub>jmasirob u t'<sub>λ</sub>n C'uj. Jach manan ti' quire' baxuc u c'at C'uj, rajen ts'a'b ti' u muc' ten C'uj, cax a ti'ob y<sub>λ</sub>jmasirob u t'<sub>λ</sub>n C'uj. <sup>5</sup> M<sub>λ</sub>' ja wirej, a C'uj o' m<sub>λ</sub>' biq'uin caj u ya'araj ti' y<sub>λ</sub>jmasirob u t'<sub>λ</sub>n C'uj, m<sub>λ</sub>' turiri' caj u ya'araj ti' y<sub>λ</sub>jmasirob u t'<sub>λ</sub>n C'uj:

A techo', quij C'uj, in pararech, baje'rer caj in wesaj a techo', in pararech quij.

Bayiri' xan m<sub>λ</sub>' tu ya'araj C'uj ti' y<sub>λ</sub>jmasirob u t'<sub>λ</sub>n: Raji' in pararo', a teno' in Tet.

<sup>6</sup> Caj tuchi'ta'b ten C'uj u parar, a turiri' u pararo'. A ra' caj rocha'b ten u n<sub>λ</sub>' ich yoc'ocab. Caj ya'araj C'uj:

A techexo', <sub>λ</sub>jmasirechex in t'<sub>λ</sub>n, ca' a c'ujintex in parar, tu cotorechex ca' a c'ujintex in parar quij.

<sup>7</sup> U'yex ba' caj ya'araj C'uj ti' y<sub>λ</sub>jmasirob u t'<sub>λ</sub>n uch: Wa ber caj beta'b ten C'uj y<sub>λ</sub>jmasirob u t'<sub>λ</sub>n robob irob a ic'o' quir u c'<sub>λ</sub>nic a ti'obo'. Robob caj beta'b ten C'uj y<sub>λ</sub>jmasirob u t'<sub>λ</sub>n irob c'ac' soc u c'<sub>λ</sub>nic a ti'obo'.

<sup>8</sup> U'yex ba' caj u ya'araj C'uj ti' u parar:

Ti' a cutano' tech C'uj tu cu bin u reyintiquechob mac. Munt q'uin cu bin u reyintiquechob mac. Jach taj tech cu bin u reyintiquechob mac quire' a techo' m<sub>λ</sub>na' a c'asir a techo'.

<sup>9</sup> M<sub>λ</sub>' ja wirej, a techo' ca yajquintic a tsoyo', chen a c'aso' ca p'actic. Rajen a teno' in C'ujech tin qui'quint a wor jach manan ti' a wet manob, quire' tan in tetic tech quire' u reyintiquechob mac.

**10** Caj w<sub>λ</sub>c'as a'araj ti' u parar:

A techo' u Jaj Ts'urirech tu cotor mac. A techo' caj a betaj yoc'ocab tu y<sub>λ</sub>nxchun yejer u jach chichir a muc'. A b<sub>λ</sub>jiri' ta betaj a ca'anano' yejer u jach chichir a muc' xan. **11** Rajen, cax ca' bin xuruc aro', chen a techo' munt q'uin ti' y<sub>λ</sub>nech. A ca'anano' je' u rabare' an ten bic cu rabar noc' quire' uchben. **12** Irej noc' cu c'oxar cu buquintic u jer. Cu bin c'axbir tech a ca'anano'. Chen a b<sub>λ</sub>jiri' a techo' ra'iri'ech, m<sub>λ</sub>' a quimin a techo' munt q'uin.

**13** A C'uj o' mix biq'uin caj ya'araj ti' y<sub>λ</sub>jmasirob u t'<sub>λ</sub>n:

Curen te' tin noj hasta quin ts'ic tech in muc' soc in ruc'sic a mac a cu p'actiquech soc m<sub>λ</sub>' u w<sub>λ</sub>c'as p'actiquechob.

Baxuc caj u ya'araj C'uj ich u t'<sub>λ</sub>n.

**14** M<sub>λ</sub>' ja wirej, caj beta'b ten C'uj y<sub>λ</sub>jmasirob u t'<sub>λ</sub>n soc u yamtic a mac teta'b quir u yacsic tu yor. Robob y<sub>λ</sub>jmasirob u t'<sub>λ</sub>n C'uj ra' u pixamob a cu tarob ich C'uj.

## 2

*Ca' ij qui' c<sub>λ</sub>nantex ic b<sub>λ</sub>jex soc m<sub>λ</sub>' u tubur to'onex u t'<sub>λ</sub>n C'uj*

**1** Quire' a Cristojo' jach manan u muc' ti' y<sub>λ</sub>jmasirob u t'<sub>λ</sub>n C'uj, rajen ca' ij quibex a ba'tij cu'yex soc m<sub>λ</sub>' ic p'<sub>λ</sub>tiquexi'. **2** M<sub>λ</sub>' ja wirej, ic toc erex u t'<sub>λ</sub>n caj masa'b to'onex ten y<sub>λ</sub>jmasir u t'<sub>λ</sub>n C'uj ti' Moisés uch ch<sub>λ</sub>ca'an yiricob wa jach taj, quire' a mac a m<sub>λ</sub>' tu c'<sub>λ</sub>mobi' uch a m<sub>λ</sub>' tu quibobi', toc seb caj ts'a'b u muc'yaj uch. **3** Baxuc

a to'onex xano', Wa mΛ' ic sariquex ic xiquinex tu quij cu'yiquex u tsicbarob u jach tsoyir u t'Λn C'uj. MΛ' c'ucha'an yor u taquico'onex C'uj tu quic binec muc'yaj. MΛ' ja wirej, jach no'j u jach tsoyir u t'Λn C'uj quire' pΛyber toc tsec'ta'b ti' ten u bΛjiri' Jaj Ts'ur tu tsec'taj. MΛ' ja wirej, robob a mac a tu yubob ti' caj u yacsob tu yorob ti', jeroj pachir caj u masajob ti' to'onex. <sup>4</sup> MΛ' jariri'o', a C'uko' u bΛjiri' xan, caj u yesaj jach ya'ab carem beyaj yejer a ba' mΛ' yiramΛnob uch, mΛ' biq'uin yiramΛnob mac soc yer mac jach taj. Cax ts'ab u muc' u Taj'or u Pixam C'uj ti' to'onex an ten bic u c'at C'uj.

*Caj waysa'b Jesús ten C'uj soc baxuc to'onex a yacsmΛnob tu yorob*

<sup>5</sup> MΛ' ja wirej, a tenob quin tsichbarob ti' a ric'ben yoc'ocabo' yejer a ric'ben ca'anano'. Robob bin u ca' betbirob ten C'uj soc a ti' taro' a C'uko' je' u reyinticob tu junan. MΛ' u cha'bΛr u reyinta' yΛjmasirob u t'Λn. <sup>6</sup> MΛ' ja wirej, quij, ti' ts'iba'an ich u t'Λn C'uj uch bic tabar tan u t'anana C'uj ten mac tan ya'aric:

Ba'wir a xibo', C'uj quen, soc a tucrej ti'? Jot a ti'o'.

Ba'wir a xibo' quire' cu quimij? Ba'wir ca' a cΛnantej? <sup>7</sup> MΛ' ya'abir u q'uinin ca cha'ic u cuxtar a xibo' te' ich yoc'ocab. MΛ' u c'uchur ti' baxuc u muc' yΛjmasirob a t'Λn C'uj, quij. Caj a ts'ajaj xib a muc' ti' bayiri' xan, caj a ts'aja u beyaj quir u betic a ba' jach manan tsoy. <sup>8</sup> A techo' C'uj, caj a cha'aj u ts'urintej a xibo' tu cotor a ba' a ti' yΛn ich yoc'ocab.

Quire' a C'uko' caj u ts'ajaj ti' xib soc raji' cu ts'urintic tu cotor ba' yΛn te' ich yoc'ocab'a', rajen

raji' ca' u ts'urintej, chen ti' toy y<sub>AN</sub> ba' m<sub>A</sub>' toy r<sub>AC</sub> u ts'urintej ich yoc'ocab. <sup>9</sup> Chen ij quirm<sub>AN</sub>ex Jesús, a mac jach manan u muc', a y<sub>AJ</sub>masirob u t'<sub>AN</sub> C'ijo', m<sub>A</sub>' quet u muc' yejer Jesús. Barej caj u jamach p'<sub>AT</sub>aj u muc' Jesús, quire' u b<sub>AJ</sub>jiri' tu ch'aj u winquirir an ten bic to'onex te' ich yoc'ocab'a'. Baje'rer tij quirex Jesús caj ts'a'b u jach chichir u muc' wa ber caj acsa'b ich u noj C'uj tu cu bin s<sub>AJ</sub>ta'bir ten tu cotor mac, quire' caj quimij ich cruz. M<sub>A</sub>' ja wirej, quire' jach tsoy tu t'<sub>AN</sub> C'uj rajen raji' caj u betaj tu cotor aro' soc Jesús ca' quimic ti' tu cotor mac.

<sup>10</sup> Tu cotor ba' raji' y<sub>AN</sub>nin C'uj, quire' raji' caj u betaj tu cotor ba' rajen a C'ijo' u jach ts'urir tu cotor ba'. Raji' xan, u c'at u yacsic tu cotor a yacsma<sub>AN</sub>nob tu yorob ich ca'anan quire' u pararob C'uj a yacsma<sub>AN</sub>nob tu yorob. M<sub>A</sub>' ja wirej, rajen cha'b ten C'uj ij c<sub>AJ</sub>taqurex quire' a ba' muc'yajn<sub>AJ</sub>ij ca' u taquej mac, rajen jach manan c'ucha'an yor ti' tu cotor ba'. <sup>11</sup> M<sub>A</sub>' ja wirej, a mac tan u p'obar ti'ob u si'pir ti'ob, bayiri' xan, a robob a tan u p'obarob u si'pirob ten Jesús, quet bayiri', p'eri' u Tetob. Rajen raji' m<sub>A</sub>' ju ch'ic u suraquir u ya'aric a robob u b<sub>AJ</sub>job quire' raji' y<sub>AN</sub>ninob C'uj. <sup>12</sup> M<sub>A</sub>' ja wirej, ti' tsiba'an ich u t'<sub>AN</sub> C'uj, tan ya'aric:

Je' in bin in t'<sub>AN</sub>nic in wits'inob ti' tech C'uj, quij.

Je' in c'ayob ti' tech C'uj <sub>AC</sub>tan tu cotor mac a tu yacsob tu yorob ti' tech tu cu much'quinticob u b<sub>AJ</sub> quir u c'ujintiquech C'uj.

<sup>13</sup> Ti' w<sub>AC</sub>'s ts'iba'an ich u t'<sub>AN</sub> C'uj tu cu ya'aric:

Je' in wacsic tin wor ti' C'uj, quij.

Caj w<sub>AC</sub>'s ts'ibta'b xan tu cu ya'aric:

Te' y<sup>an</sup>nena' yejer in pararob a ta ts'aj ten C'uj.

<sup>14</sup> Ma' ja wirej, quij, a mac a p'eri' u tet p'eri' u yo'nen xan. Rajen u b<sup>a</sup>jiri' Jesús caj u ch'aj u winiquir ca' u rubs u muc' a quisino' soc ma' u quinsic mac. <sup>15</sup> A baxuco' Jesús ma' u cha'ic mac u s<sup>a</sup>jticob u quimin mac. A ti'obo' uch irob u c'urewob quisin, rajen caj u s<sup>a</sup>jtob u quiminob u burur q'unin. <sup>16</sup> Ma' ja wirej, jach ch<sup>a</sup>ca'an ca' ic najtex tarij ic Jaj Ts'urirex quir u taquic a mac a cu tar ich u yo'nen Abraham, ma' tarij quir u taquic y<sup>a</sup>jmasirob u t'<sup>a</sup>n C'uj uch. <sup>17</sup> Rajen, a Jesúso' caj waysa'b uch an ten bic a to'onexo' soc u w<sup>a</sup>c'as b<sup>a</sup>jiri' caj muc'yaj irej to'onex quic muc'yajex quire' tu yiraj otsiro'onex. Ma' ja wirej, raji' u sacerdote a jach manan no'j quir u yamtic yits'inob tan u t'<sup>a</sup>nic to'onex C'uj. Bayiri' caj u c'ubaj u b<sup>a</sup>j soc u r<sup>a</sup>c ruc'sic ic si'pirex ich u cruz. <sup>18</sup> Quire' u b<sup>a</sup>jiri' Jesús caj muc'yajn<sup>a</sup>jjij wa ber tumta'b yor ten a quisino', rajen baje'rer toc ti' y<sup>a</sup>n Jesús quir u taquic a mac a tan u tumta'r yor ten quisin.

### 3

*Jesucristo jach manan no'j ti' u nunquir u  
winiquirob judío u c'aba' Moisés*

<sup>1</sup> In wet acs<sup>a</sup>'orirex a techexo' a mac a teta'b ten C'uj soc raji' y<sup>a</sup>ninechex C'uj. Raji' caj u t'<sup>a</sup>n techex quir u ts'ic techex a cu tar ich ca'an. Tucrex Jesús. Ma' ja wirej, raji' tuchi'ta'b ten C'uj quir u ts'ic to'onex a ba' cu ya'aric C'uj, bayiri' raji' u sacerdote a jach manan no'jo' ti' C'uj a mac a quij cariquex ij c'ujintiquex. <sup>2</sup> An ten bic Moisés caj u r<sup>a</sup>c quibaj a ba' ara'b ten C'uj uch wa ber

caj cuxa'an Moisés ich u rac'ob uch. Baxuc xan, ic Jaj Ts'urirex Jesucristo caj u r<sub>Ac</sub> quibaj tu cotor a ba' ara'b ten C'uj. M<sub>A</sub>' ja wirej, quire' a Jesúso' caj ts'a'b u muc' ten C'uj. <sup>3</sup> Jach tsoy ca' ic s<sub>Aj</sub>tiquex ic nunquirex Moisés, chen jach manan ca' ic s<sub>Aj</sub>tex ic Jaj Ts'urirex Jesucristo. M<sub>A</sub>' ja wirej, raji' irej a mac ic s<sub>Aj</sub>tiquex a cu c'<sub>A</sub>xic yatoch, m<sub>A</sub>' ic s<sub>Aj</sub>tiquex yatoch a c'ax ten mac. <sup>4</sup> Jujuntur yatoch c'ax ten xib. Bayiri' xan, tu cotor ba' a ti' y<sub>An</sub> ich yoc'ocab toc beta'b ten C'uj. <sup>5</sup> Jach taj a Moiséso' tu betaj u beyaj C'uj, caj u quibaj tu cotor ba' a ra' u q'uiniño' ti' y<sub>An</sub> Moisés ich u yet winiquirob judío uch. M<sub>A</sub>' ja wirej, u beyaj C'uj ti' Moisés quir u tsec'tic u t'<sub>An</sub> C'uj ti' u yet winiquirob judío. A mun ts'a'b ten C'uj ti' Moisés ra' tu toc masaj ti' u yet winiquirob judío uch cax a cu bin tar ca' bin c'uchuc tu q'uinin. <sup>6</sup> Bayiri' xan, ic Jaj Ts'urirex Jesucristo caj u toc r<sub>Ac</sub> quibaj tu cotor a ba' ara'b ten C'uj. Chen ju muc'o' ts'a'b ti' ten C'uj jach manan ti' Jesús cax a Moiséso', quire' raji' Jesús u parar C'uj. Wa quij qui' quibiquex tu cotor a ba' ara'b ten C'uj ti' to'onex mix quic p'<sub>A</sub>tiquex u t'<sub>An</sub> hasta u q'uinin ca' bin uruc quir u taquico'onex, je' u qui' acsico'onex quire' raji' y<sub>An</sub>nino'onex C'uj.

### *Je' u tar yor mac a C'uj y<sub>An</sub>nin*

<sup>7</sup> M<sub>A</sub>' ja wirej, wa baxuco', jach manan tsoy ca' ij quibex u t'<sub>An</sub> C'uj an ten bic caj ara'b ten u Taj'or u Pixam C'uj uch, tu cu ya'aric ti' a mac ts'a'b u tucur quir u tsicbar a ba' u c'at C'uj. U'yex ba' cu ya'aric C'uj:

Baje'rer wa ber ca wu'yiquex u t'<sub>An</sub>iquechex C'uj.

<sup>8</sup> M<sub>A</sub>' a chichquintiquex a jo'rex irechex a

nunquirex caj u chichquintob u jo'rob uch. Ma' ja wirej, a nunquirex caj u chichquintob u jo'rob ich t<sub>λ</sub>cay ru'um uch, caj u p'<sub>λ</sub>tob in t'<sub>λ</sub>n, quij C'uj. <sup>9</sup> Ma' ja wirej, a nunquirex ma' tu yacsob tu yorob ti' ten, quij C'uj, cax tu yirob in carem beyaj ich t<sub>λ</sub>cay ru'um tu caj in p<sub>λ</sub>y u berob cuarenta yaxq'uin. <sup>10</sup> Rajen caj ts'iquijen, quij C'uj, yejer a nunquirex, a ra' cuxa'anob a ra' u q'uinino'. Rajen caj in wa'araj: Robob ma' c'ucha'an yorob u tucricob taj ma' biq'uin c'ucha'an yor u tucricob taj, robob ma' u quetquintic yorob yejer a ba' tin betaj. <sup>11</sup> Rajen caj ts'iquijen yejer a nunquirex caj in toc chich araj ti'ob ma' biq'uin quin bin in wacsic ti'ob ich u ru'umin a tin toc araj: Je' in ts'ic techexe'.

<sup>12</sup> Rajen in wet acs<sub>λ</sub>'orirex, qui' c<sub>λ</sub>nantex a b<sub>λ</sub>jex soc ma' a chichquintic a jo'rex soc ma' a p'<sub>λ</sub>tiquex a wacsiquex ta worex ti' C'uj, a mac c<sub>λ</sub>ja'an ich ca'anan, quij. <sup>13</sup> Rajen ca' ic pacran chich ariquex ti' ic b<sub>λ</sub>jobechex hasta ca' bin uruc ic Jaj Ts'urirex. Rajra' ca' ic pacran chich arex ti' ic b<sub>λ</sub>jobechex soc ma' ic tus p<sub>λ</sub>yiquex ic si'pirex soc ma' u chichtar ij jo'rex ten ic si'pirex. <sup>14</sup> Rajen ca' ic pacran chich ariquex ti' ic b<sub>λ</sub>jobechex. Quire' ca' bin uruc ic Jaj Ts'urirex Jesucristo je' ic pacran c'<sub>λ</sub>miquex a ba' raji' y<sub>λ</sub>nin, wa quij quibejex a ba' tu ya'araj to'onex, tan ij cacsiquex tij corex ti' an ten bic p<sub>λ</sub>yber caj ij y<sub>λ</sub>n acsex tij corex ti' caj ic y<sub>λ</sub>n quibex u t'<sub>λ</sub>n uch. <sup>15</sup> Ma' ja wirej, ca' ij quibex a ba' cu chich aric to'onex, quire' tu toc araj uch, quij: Jeroj ta wu'yajex in t'<sub>λ</sub>n baje'rer, ragen ma' a

chichquintic a jo'rex an ten bic a nunquirex  
uch tu chichquintajob u jo'rob ich t<sub>λ</sub>cay  
ru'um uch.

<sup>16</sup> M<sub>λ</sub>' ja wirej, a mac a tu yubob u t'<sub>λ</sub>n C'uj uch  
ich t<sub>λ</sub>cay ru'um. Ra'iri' u b<sub>λ</sub>jiri' tu p'<sub>λ</sub>tob u t'<sub>λ</sub>n  
C'uj. Robob, tu cotor u winiquirob judío a pa'y u  
berob ten Moisés caj joc'ob ich u ru'umin Égipto  
uch. <sup>17</sup> M<sub>λ</sub>' ja wirej, u winiquirob israel, a tu p<sub>λ</sub>yob  
u si'pirob, caj quimob ich t<sub>λ</sub>cay ru'um. Robob caj  
u ts'i quintob C'uj cuarenta yaxq'uin a ti' quimob  
ich t<sub>λ</sub>cay ru'um. <sup>18</sup> U winiquirob israel a mac m<sub>λ</sub>'  
tu quibob u t'<sub>λ</sub>n C'uj ich t<sub>λ</sub>cay ru'um uch caj ara'b  
ten C'uj ti'ob tan u chich ara' ten C'uj: "Jach taj,  
quij C'uj, m<sub>λ</sub>' biq'uin quin bin in wacsiquechex  
tu ru'umin a tin toc araj: Je' in ts'ic techexe',  
quij." <sup>19</sup> Rajen ij querex u winiquirob israel m<sub>λ</sub>'  
c'ucha'an yorob u yocar tu ru'umin a tu ya'araj  
C'uj: Je' in ts'ic techex. Quire' m<sub>λ</sub>' tu yacsob tu  
yorob ti'.

## 4

<sup>1</sup> Rajen, a C'uj'o', ti' toy cu ts'ic to'onex u t'<sub>λ</sub>n  
baje'rer, "Je' u yacsic to'onex." Rajen ca' ij  
c<sub>λ</sub>nantiquex ic b<sub>λ</sub>jex soc c'ucha'an ij corex ij co-  
carex quir ic je'sic ic b<sub>λ</sub>jex yejer C'uj. Ca' ij  
c<sub>λ</sub>nantex ic b<sub>λ</sub>jex wa jix t<sub>λ</sub>co cu tus tucric m<sub>λ</sub>' ju  
yocar. <sup>2</sup> A C'uj'o' caj u ts'ajaj ti' ic nunquirex u jach  
tsoyir u t'<sub>λ</sub>n an ten bic caj u ts'ajaj ti' a to'onexo'.  
Chen ic nunquirex ich a t<sub>λ</sub>cay ru'umo', cax tu  
yubob a ba' ara'b ti'ob ten C'uj m<sub>λ</sub>' ba'wir ti'ob  
quire' m<sub>λ</sub>' tu quibob u t'<sub>λ</sub>n, quire' m<sub>λ</sub>' tu yacsob tu  
yorob. <sup>3</sup> A to'onexo', baje'rer tan ij cocarex quir ic  
je'sic ic b<sub>λ</sub>jex yejer C'uj wa tij cacsex tij corex ti'

C'uj. Ma' ja wirej, a ucho' caj ara'b ten C'uj ti' ic nunquirex:

Rajen tan in chich ariquechex, "Jach taj, ma' biq'uin robob cu bin yocarob tu ru'umin a tin toc araj: Je' in ts'ic ti'ob, quire' ta ts'i Quintajenex." quij C'uj.

Ma' ja wirej, a C'uko' caj ts'oc u betic a yoc'ocab'e' toc c'ucha'an yor mac u yocor u je'sic u bΛj yejer C'uj. <sup>4</sup> Aro', quij, taj, quire' ti' toc ts'iba'an ich u jer junxot' u t'Λn C'uj uch. Ra' tan u tsicbΛtic ti' u q'uinin sábado. U'yex ba' cu ya'aric C'uj ti' sábado: Caj c'uchij u q'uinin sábado quire' tu ts'ocsaj u beyaj C'uj tu caj u betaj yoc'ocab jeroj tu je'saj u bΛj.

<sup>5</sup> Baxuc xan, ti' toc ts'ba'an ich u t'Λn C'uj tu cu ya'aric:

Ma' biq'uin quin bin in wacsic ti'ob quir u je'sicob u bΛj yejeren, quij C'uj.

<sup>6</sup> Baxuc caj ya'araj C'uj rajen, a C'uko' qui' yor u yacsic mac u je'sic u bΛj yejer C'uj cax jun yarob. Quire' u winiquirob israel, a pa'y u ber ten Moisés uch ich tΛcay ru'um tu yubob u jach tsoyir u t'Λn C'uj, chen ma' tu c'Λmobi' rajen ma' acsa'b ten C'uj quir u je'sic u bΛj yejer C'uj. <sup>7</sup> Rajen caj manij ch'ic ya'ab yaxq'uin a C'uko' caj u wΛc'Λs a'araj ti' u winiquirob Israel. Chen aro' tin toc ts'ibtaj techex sam. Ma' ja wirej, raji' u ya'araj ti' David ca' u ts'ibtej uch:

U'yex ba' quin wac. Ta wu'yex u t'Λn C'uj, baje'rer ma' a chichquintic a jo'rex.

<sup>8</sup> Ma' ja wirej, a C'uko' tu cu bin acsa'bir a ra' yΛninob C'uj soc p'eri'ob yorob. Ra' ma' baxuc u ru'umin tu caj acsa'b u winiquirob israel ten

Josué uch. Ma' ja wirej, wa ra' u ru'umin tu cu bin acsa'bir ten C'uj uch ma' ba'wir cu bin w<sub>A</sub>C'<sub>AS</sub> acsa'bir mac quir u je'sic u b<sub>A</sub>j yejer C'uj. <sup>9</sup> Chen, a to'onexo' a ra' y<sub>A</sub>nino'onex C'uj c'ucha'an ij corex ij cocarex ic je'siquex ic b<sub>A</sub>jex yejer C'uj toc baje'rer. <sup>10</sup> Quire' a ra' y<sub>A</sub>ninob C'uj, a cu bin acsa'birob ten C'uj, cu bin u je'sicob u b<sub>A</sub>j an ten bic C'uj caj u je'saj u b<sub>A</sub>j caj ts'oc u betic yoc'ocab. <sup>11</sup> Rajen ca' ic jach p'isex ic b<sub>A</sub>jex soc u yacsico'onex C'uj. A teno', ma' in c'at ca' ij c<sub>A</sub>nex ic nunqurex, quire' ma' tu yacsob tu yorob ti' C'uj. Ma' in c'at turiri' to'onex ca' ij c<sub>A</sub>nex ic nunqurex quire' ma' tu yacsob tu yorob ti' C'uj ic nunqurex uch.

<sup>12</sup> Quire' a baxuco', u t'<sub>A</sub>n C'uj y<sub>A</sub>n jach manan chichir u muc' ti'. Jach cuxa'an u muc' xan. Ma' ja wirej, cu c'uchur u t'<sub>A</sub>n C'uj tu tamin u pixam mac. Jach seb cu c'uchur u t'<sub>A</sub>n C'uj tu pixam mac. Ra' irej u mascabir a ca' w<sub>A</sub>r<sub>A</sub>C' y<sub>A</sub>n yej ti'. Ma' wa seb cu c'uchur u t'<sub>A</sub>n C'uj tu pixam mac? U t'<sub>A</sub>n C'uj cu yesic a ba' cu tucric tu yor xan. <sup>13</sup> M<sub>A</sub>na' ba' bet'ab ten C'uj ma' wa ch<sub>A</sub>ca'an yirir u wich ten C'uj. Rajen m<sub>A</sub>na' mac c'ucha'an yor u ta'quic u b<sub>A</sub>job soc ma' cu yirir ten C'uj quire' sasir u wich a C'uko'. Y<sub>A</sub>n ic toc nunquiquex ti' C'uj a ba' tic betajexi'.

### *A Jesúso' jach manan ic nono'j sacerdotex*

<sup>14</sup> Ic Jaj Ts'urirex Jesucristo, raji' u parar C'uj, raji' xan ic nono'j sacerdotex <sub>A</sub>c<sub>A</sub>tan ti' C'uj. Ma' ja wirej, raji' w<sub>A</sub>C'<sub>AS</sub> bin ich C'uj ca' u chich c'atej ti' C'uj ti' to'onex ca' u yamtej ti' to'onex. Rajen y<sub>A</sub>n ij qui' toc acsiquex tij corex quire' ma' jic p'<sub>A</sub>tex u t'<sub>A</sub>n. <sup>15</sup> A quisino', caj u r<sub>A</sub>c qui' tumtaj u yor

ic Jaj Ts'urirex Jesucristo, chen mΛ' tu pΛy u si'pir mΛ' turiri'. Rajen yer Jesús bic tabar u ch'ic otsir to'onex tu mΛ' c'ucha'an ij corex tu cu tumtic ij corex, quire' u bΛjiri' tumta'b yor ti' tu cotor ba' an ten bic a to'onexo', chen raji' mΛ' tu pΛyaj u si'pir a Jesúso'. <sup>16</sup> Cojenex, quij, ca' ic nΛts'ex ic bΛjex ich C'uj. Ca' ic chichquint ij corex wa ber quic nats'Λrex ich C'uj soc raji' ca' u yirej otsiro'onex a to'onexo' C'uj. Bayiri' quir ij c'Λmiquex a ba' tsoy tu t'Λn C'uj wa ber quij cu'yiquex mΛ' c'ucha'an ij corex ti' a ba' cu tumtic ij corex.

## 5

<sup>1</sup> MΛ' ja wirej, jujuntur sacerdote, a jach no'jo', toc teta'an ti' tu cotor mac ich u winiquirob israel soc u t'Λnicob C'uj ti' u rac'ob. Rajen teta'b soc quinsic u yΛrΛc'ob mac quir u toquic quir u sijic ti' C'uj quir u ruc'sic u si'pir u rac'ob. <sup>2</sup> Rajen, raji' c'ucha'an yor u yirej otsir u rac'ob quire' u bΛjiri' yer mΛ' c'ucha'an yor ti' tu cotor a ba' a cu tar ti'. Rajen nemΛ' biqui' ich u rac'ob a sacerdote quir u yamtic a mac a jach ama'an u cΛnic ba', cax yejer mac a tu pΛy u si'pir. <sup>3</sup> MΛ' ja wirej, u bΛjirirob a sacerdotejo' yΛn u quinsic yΛrΛc' quir u toquic quir u sijic ti' C'uj u bo'orir u wΛc'Λs si'pir u bΛjiri' an ten bic u rac'ob xan.

<sup>4</sup> MΛna' mac c'ucha'an yor u tetic quir u beyaj a sacerdotejo' soc u bΛjiri' cu yocar beyaj sacerdote a no'jo'. Chen u bΛjiri' C'uj c'ucha'an yor u tetic soc yocar beyaj sacerdote an ten bic ts'a'b u beyaj Aarón ten C'uj uch. <sup>5</sup> Bayiri' xan, Cristo. U bΛjiri', quij, mΛ' tu tetaj u bΛjiri' quir u beyaj quir u yocar

sacerdote, a no'jo'. MΛ' ja wirej, u bΛjiri' C'uj caj u ts'ajaj u beyaj quire'. C'uj caj u ya'araj ti':  
A techo', quij C'uj, in pararech. Tin pararinquinta-  
jech baj'e'rer, quij.

<sup>6</sup> Baxuc xan ti' wac'as ara'b ti' ten C'uj an ten bic  
ts'iba'an ich u t'Λn C'uj uch:

A teno', quij C'uj, tin tetajech soc a wocar sacer-  
dotejech a jach no'jo' soc yΛn tech u muc' a  
Melquisedeco'. Munt q'uin yΛn tech u muc'  
Melquisedec.

<sup>7</sup> Wa ber cuxa'an Jesús te'ra' ich yoc'ocab uch. Jach  
chich caj u t'Λnaj C'uj tu cu c'atic a ba' u c'at, tan u  
yoc'ar ya'arir u wich. Cax yΛn u muc' a C'ijo' quir u  
to'car Jesús chen quinsa'b uch, quire' baxuc u c'at  
C'uj. Cax C'uj caj u yubaj u t'Λn Jesús quire' Jesús  
rajra' cu quibic u t'Λn. <sup>8</sup> Cax a Jesúso' u parar C'uj,  
cu naj quibic u t'Λn C'uj Jesús, cax tu cu naj muc'yaj.

<sup>9</sup> Caj ts'oc u quibic tu cotor ba', Jesús caj u c'ub u  
bΛj soc ca' quimic. Caj quimij soc tu cotor mac a  
cu bin yacsej tu yor, cu bin tacbir ten Jesús quir u  
cuxtar munt q'uin. <sup>10</sup> Quire' a baxuco', quij, rajen  
a C'ijo' caj u tetaj u parar soc u yocar sacerdote, a  
jach no'jo' soc yΛn u muc' Melquisedec.

*Qui' irex, quij soc mΛ' a p'atiquex a wacsiquex ta  
worex ti' Jesucristo*

<sup>11</sup> Ti' yΛn ya'ab ba' ti' Cristo, a sacerdotejo' a  
no'jo', quir in camsiquechex chen jach yaj quir  
a cΛniquex. MΛ' ja wirej, mΛ' a c'atex a najtexi'.  
<sup>12-13</sup> Jeroj uch, a techexo', caj a wacsex ta worex ti'  
Jesús. Chen a bΛjiri'ex, mΛ' tan a camsiquex mac u  
t'Λn C'uj. Ca chen cΛxtex mac ca' u camsequechex  
ti' u t'Λn C'uj, a ba' ta yΛn cΛnajex uch caj a yΛn

acsajex ta worex uch. Ta chen c<sub>Λ</sub>nex a chichano', a m<sub>Λ</sub>' c'ucha'an yor u jantic yo'och, cu chen chuch. Baxuc ta c<sub>Λ</sub>nex, quire' m<sub>Λ</sub>' tan a qui' najtiquex a ba' cu ya'aric u t'<sub>Λ</sub>n C'uj, m<sub>Λ</sub>' tan a manex tu tsoyir xan. <sup>14</sup> A mac a cu qui' najtic a ba' ts'iba'an ich u t'<sub>Λ</sub>n C'uj yer bic tabar u tetic a ba' jach tsoy. Cu najtic xan a ba' m<sub>Λ</sub>' tsoyi'.

## 6

<sup>1</sup> Quire' a baxuco', ca' ij c<sub>Λ</sub>nex a ba' ts'iba'an ich u t'<sub>Λ</sub>n C'uj soc ij qui' najtiquex ti'. A ba' tic y<sub>Λ</sub>n c<sub>Λ</sub>najex uch caj ic y<sub>Λ</sub>n acsex tij corex ti' u t'<sub>Λ</sub>n Cristo, cax ya'ab, m<sub>Λ</sub>' rajra' ca' ij c<sub>Λ</sub>nex quire' ti' toy y<sub>Λ</sub>n ya'ab ts'iba'an ich u t'<sub>Λ</sub>n C'uj. Ca' ic y<sub>Λ</sub>n c<sub>Λ</sub>nex a ba' tsoy. M<sub>Λ</sub>' tsoy ca' ic chen c<sub>Λ</sub>nex bic tabar ca' ij c'axex tij corex soc ic p'<sub>Λ</sub>tiquex ic si'pirex, tan ic toc ariquex ti' C'uj a ba' si'pir tij cacsex uch. An ten bic caj ij cacsex tij corex ti' C'uj uch. <sup>2</sup> M<sub>Λ</sub>' rajra' ca' ij c<sub>Λ</sub>nex a cu ya'aric, rajra' cu yacsic ja' tu jor mac, m<sub>Λ</sub>' rajra' quiij c<sub>Λ</sub>nex a ba' a cu ya'aric, cu ts'anc'<sub>Λ</sub>btej mac. M<sub>Λ</sub>' rajra' ca' ij c<sub>Λ</sub>nex bic tabar a cu ric'sic mac u quimirir, m<sub>Λ</sub>' rajra' quiij c<sub>Λ</sub>niquex bic tabar a C'ijo'b<sub>Λ</sub> bin u ca' ta'quic u jo'r mac a y<sub>Λ</sub>n u si'pir soc u bin erar ich c'ac' munt q'uin. M<sub>Λ</sub>' ja wirej, m<sub>Λ</sub>' chen jari' caj c<sub>Λ</sub>nexi' aro'. <sup>3</sup> Quire' ti' y<sub>Λ</sub>n jach ya'ab ich u t'<sub>Λ</sub>n C'uj ca' ij c<sub>Λ</sub>nex soc jach manan ca' ij qui' najtex u t'<sub>Λ</sub>n C'uj. A baxuco' je' ic betiquex an ten bic tsoy tu t'<sub>Λ</sub>n C'uj.

<sup>4</sup> Y<sub>Λ</sub>n mac a tu c'<sub>Λ</sub>majob u sasirir a cu tar ti' C'uj. Robob caj u c'<sub>Λ</sub>s tumtaj u tsoyir a ts'a'bob ti' ten u Taj'or u Pixam C'uj. <sup>5</sup> Robob caj u c'<sub>Λ</sub>majob a ba' jach tsoy ti' u t'<sub>Λ</sub>n C'uj. Robob caj esa'b ti'ob ten C'uj jun yar u chichir u muc' C'uj, chen a ray muc'o'

jach manan cu bin irbir ca' bin c'uchuc tu q'uinin ich ca'an. <sup>6</sup> Wa baxuco' caj c'uchob ti' C'uj chen pachir caj u p'uspach tob ti' C'uj aro' irej wa wʌc'ʌs sinij u parar C'uj ich cruz quire' tan u pach'icob ti'. <sup>7</sup> A C'uko' cu betic ti' tsoy a ru'umo', a tenten u tar a ya'ariro' cu yuq'uic a ru'umo' soc u yamtic a mac a yʌn u cor soc u ts'ic yo'och ti' a mac a cu jaric u cor. <sup>8</sup> Wa ja ru'umo' cu chen joc'ar u q'ui'ixer yejer u ro'obir, a ra' cu bin tocar ten a mac a cu jaric u cor. A baxuco' cu betic C'uj ti' mac xan.

*Ca' ij qui' acsex tij corex ti' Cristo*

<sup>9</sup> A teno' caj in ts'ib techex in wet acsa'orirex a mac in jach yaj soc a werex ba' u ber ti' mac a cu p'uspach ticob ti' C'uj. Quire' quin ts'ibtic ti' techex quire' in wer jach taj je' u taquiquechex C'uje'. Quire' raji' tan u yamтиquechex quir a manex tu tsoyir. <sup>10</sup> A C'uko', jach tsoy quire' rajra' cu betic a ba' jach manan tsoy. Raji' cu bin bo'otbir mac a cu yajquintic mac, quire' cu yamtic ti' mac. U berer baje'rer cu yamtic a ti'obo'. Ma' ja wirej, a C'uko' ma' u tubur ti', je' u bin bo'otbirob ten C'uj. <sup>11</sup> Chen ca' a qui' p'isex a bʌjex an ten bic caj a yamtex ti' mac uch hasta ca' bin c'uchuc tu q'uinin a C'uko' cu bin u qui' acsiquechex ich ca'an. <sup>12</sup> Ma' a yʌn ma' c'ortarex tu ca much'quintiquechex a bʌjex quir a wu'yiquechex u t'ʌn C'uj, chen qui' cʌnaj u yacsic tu yor ti' u t'ʌn C'uj, a robob a cu pajicob, je' u bin c'ʌmbir a ba' toc ara'b ti' ten C'uje'.

<sup>13</sup> Wa ber a C'uko' caj u toc araj ti' Abraham uch, bin u ca' pararin quintic u parar, caj u jach toc araj C'uj yejer u muc', quire' ma'na' u jer mac yʌn u

muc' an ten bic C'uj y<sub>λ</sub>nin, quire' jach manan u muc' a C'ijo'. <sup>14</sup> Caj ara'b ten C'uj ti' ic nunquirex Abraham uch: "Je' in qui' yamtiquech Abraham. A teno', quij C'uj, quin bin in pimquintic u parar a ca' parar", quij. <sup>15</sup> Ic nunquirex Abraham caj pararn<sub>λ</sub>jij u parar an ten bic toc ara'b ti' ten C'uj Abraham. Nem<sub>λ</sub>' biqui' Abraham hasta c'uchij tu q'uinin caj u toc nup'saj a C'ijo', a ba' tu toc araj ti' uch. M<sub>λ</sub>' ja wirej, Sara, raji' u rac', caj u rochaj u chan ochir. <sup>16</sup> M<sub>λ</sub>' ja wirej, a mac a ti' y<sub>λ</sub>n ich yoc'ocaba' cu ya'aric ich u rac'ob: "C'uj cu yiric", wa mac cu jach toc aric a ba' ti' mac. Baxuc cu ya'aricob, quire' m<sub>λ</sub>na' u jer y<sub>λ</sub>n u muc' an ten bic C'uj. Rajen cu ya'aricob: "C'uj cu yiric", tu cu jach toc aric ba', quire' m<sub>λ</sub>' ba'wir quir u ya'aric u jer, toc ts'oquij. <sup>17</sup> Baxuco' xan, a C'uj' caj u toc araj ti' ic nunquirex Abraham, cu bin u parar<sub>λ</sub>ncar caj u toc a'araj C'uj yejer u muc', soc yer taj mac wa raji' je' u nup'sic a ba' tu toc araj ti' ic nunquirex Abraham. A m<sub>λ</sub>' ju c'ax u tucur a C'ijo'. <sup>18</sup> M<sub>λ</sub>' ja wirej, baxuc caj u toc araj C'uj yejer tu cotor u muc', rajen c'ucha'an ij corex ca' ij cacsex tij corex ti' wa ber cu toc aric ba' ti' to'onex. M<sub>λ</sub>' ja wirej, tu cotoro'onex a tij c'ubex ic pixamex ti' C'uj quir u taquico'onex, m<sub>λ</sub>' ba'wir ca' ic jac'sex ij corex. Je' u taquico'onex an ten bic caj u toc araj ti' to'onex. <sup>19</sup> Quire' cu taquico'onex an ten bic tu toc araj to'onex uch. Rajen m<sub>λ</sub>' u pec ic pixamex, quire' jach manan u c<sub>λ</sub>nanta' ic pixamex quire' p'eri' ic pixamex yejer C'uj ich ca'anan. <sup>20</sup> M<sub>λ</sub>' ja wirej, Cristo tu betaj u berir ti' to'onex quir ij c'uchurex ich C'uj. A baywo', quij, ti' y<sub>λ</sub>n Jes<sub>λ</sub>s ich ca'anan ti' to'onex an ten bic sacerdote a jach

no'jo', chen y<sub>λ</sub>n u muc' Jes<sub>λ</sub>s an ten bic u muc'  
sacerdote Melquisedec, a m<sub>λ</sub>' u bin xupur u muc'  
m<sub>λ</sub>' biq'uin cu xupur u muc'.

## 7

*Ic Jaj Ts'urirex Jesucristo toc y<sub>λ</sub>n u muc'  
Melquisedec*

<sup>1</sup> A je' Melquisedeca', raji' u rey u cajar Salem  
uch. Ra'iri' u b<sub>λ</sub>jiri' xan sacerdote a jach no'j  
ti' C'uj. Raji' y<sub>λ</sub>n u muc' C'uj jach manan. A  
uch' caj urij ic nunquirex Abraham tu tu ba'tetaj  
cuatro a reyob, quire' robob caj u ya'crajob u yum  
Abraham. A Melquisedeco', caj joq'uij tu cajar  
quir u nup'ic ic nunquirex Abraham ich ber. Raji'  
caj u t'<sub>λ</sub>naj C'uj tan u c'ata' ti' ca' yamtac Abraham  
ten C'uj ti'. <sup>2</sup> M<sub>λ</sub>' ja wirej, ic nunquirex Abraham  
caj u j<sub>λ</sub>saj ti' a sacerdote, a no'jo', ra' u c'aba'  
Melquisedec. Caj jasij ten Abraham a ba' tu ch'aj  
caj u ba'tetaj a cuatro reyob. Tu tu ch'aj diez u  
ba't<sub>λ</sub>c caj u ts'a ja turiri' ti' Melquisedec. Baxuc caj  
u betaj, jas ti' ten Abraham ich tu cotor ba' a tu  
ch'aj tu tu ba'tetaj a reyo'. A Melquisedec raji' u rey  
u cajar Salem. U c'aba' Melquisedec u c'at ya'arej:  
"Jach tsoy rey." Bayiri' ij querex tu cu reyinticob  
Melquisedec tu cajar Salem m<sub>λ</sub>' ts'ic mac, quire'  
baxuc u c'at ya'arej u c'aba' u cajar: "M<sub>λ</sub>' ts'ic  
mac." <sup>3</sup> A Melquisedeco' irej wa mac tu junan caj  
tar quire' mix yer mac u n<sub>λ</sub>', mix yer mac u tet  
xan. M<sub>λ</sub>' ij querex maqui'. Mix yer mac ba' yo'nen  
Melquisedec. M<sub>λ</sub>na' mac yer ber caj rocha'b ten u  
n<sub>λ</sub>', mix mac yer ber caj quimij. Rajen raji' irej ic  
Jaj Ts'urirex Jesucristo u parar C'uj. M<sub>λ</sub>' ja wirej,

raji' caj oc tu beyaj an ten bic sacerdote a jach manan no'jo', quire' raji' y<sub>AN</sub> u muc', a m<sub>A</sub>' u xupur u muc'.

<sup>4</sup> M<sub>A</sub>' ja wirej, ch<sub>A</sub>ca'an ij quiriquex wa Melquisedec toc y<sub>AN</sub> u muc' quir u beyaj ti' C'uj. A Melquisedeco' irej sacerdote, a jach no'jo'. Quire' cax ic nunquirex Abraham uch tu tu ch'aj u ba'tac tu tu ba'te'taj rey, a cuatrojo', caj u ts'aja ti' Melquisedec. Caj u ts'aja ti' Melquisedec turiri' u ba'taco' ich a diezo'. <sup>5</sup> C'aj wa techex ba' ts'ibta'b ten ic nunquirex Moisés ich u t'<sub>AN</sub> C'uj uch, quij. Caj u chich araj to'onex u winiquirob judío: "Ca' a j<sub>A</sub>sex a ba'taquex a ti' a sacerdotejo' a ra' cu tar ti' yo'nен Leví. Ca' a j<sub>A</sub>sex ti'ob turiri' a ba'taquex wa ber y<sub>AN</sub>echex diez." Baxuc ca' ij quibex quire' tu cotoro'onex ra' ic nunquirex Abraham. <sup>6</sup> Chen a Melquisedeco', cax m<sub>A</sub>' ra' u yo'nен Leví caj u c'<sub>A</sub>maj a ba' ts'ab ti' ten ic nunquirex Abraham uch. M<sub>A</sub>' ja wirej, a C'uko' caj u toc araj ti' Abraham uch, cu bin u qui' yamtej Abraham caj ts'oc u c'ubic u parar Isaac quir u quinsac uch. Chen Melquisedec caj u c'<sub>A</sub>maj a ba' ts'a'b ti' ten Abraham rajen Melquisedec caj u c'ataj ti' C'uj ca' u yamt ic nunquirex Abraham uch. <sup>7</sup> A to'onexo', ij querex wa mac cu t'<sub>AN</sub>nic C'uj ca' u yamtej u rac'ob, ra' jach manan y<sub>AN</sub> u muc'. Chen a mac a cu bin yamtac ten C'uj, m<sub>A</sub>' ju c'uchur yor ti' a mac a tu t'<sub>AN</sub>naj C'uj soc yamta'bir ten C'uj u rac'ob. <sup>8</sup> M<sub>A</sub>' ja wirej, a sacerdotejo', a ti' cu tar yo'nен Leví uch, a turiri' ba' tu c'<sub>A</sub>maj, wa ber y<sub>AN</sub> diez u ba'tacob ti' u yet winiquirob judío. Robob a sacerdotejo', a ti' cu tar yo'nен Leví, quimij xan, chen a ba' ts'iba'an ich u t'<sub>AN</sub> C'uj

ti' Melquisedec irej wa ti' toy cuxa'an. [9-10](#) A Levíjo' yejer tu cotor sacerdote, a rub tu pach Leví, quire' u beriri' baje'rer cu c'amicob a turiri' u ba'tac ich a diezo'. A Levíjo' ra' u nunquir ti' tu cotor sacerdote irob wa p'eri'ob yejer ic nunqurex Abraham ber caj s̄ajta'b Melquisedec ten Abraham, cax m̄' toy rocha'b ten u n̄' Leví tu q'uinin Abraham, quire' raji' u ch'ic sucu'un.

[11](#) Ti' u tar a sacerdotejo', ti' u nunquir Leví, bayiri' xan, a sacerdotejo', a ti' cu tar Aarón, robob u beyajob quir u beticob tu cotor a ba' ti' ȳn ich u t'̄n Moisés soc u yamticob u yet winiquirob israel. Chen u winiquirob israel m̄' c'ucha'an yor u bin tacbirob ten u beyaj sacerdote a cu tar ti' u nunquir Leví. Rajen a C'ajo' yer ȳn u tuchi'tic Jesucristo soc ȳn u muc' Melquisedec, a sacerdote a jach no'jo'. M̄' ja wirej, raji' m̄' tarij ti' yo'nen Leví. [12](#) Rajen a C'ajo' caj c'ox u muc' a sacerdotejo', bayiri' xan, ca' c'ox u jer u t'̄n an ten bic tabar sacerdote caj c'ox u muc'. [13](#) Baxuc caj joq'uij, quire' ic Jaj Ts'urirex Jesucristo m̄' raji' yo'nen Leví, a tu cu tar a mac a cu yocar beyaj a sacerdotejo'. [14](#) M̄' ja wirej, ch̄aca'an ca' ij quirex tub u tar u yo'nen ic Jaj Ts'urirex, jach taj ti' u tar yo'nen ich Judá. M̄' ja wirej, a Moisés o' caj u toc araj ti' u tar yo'nen ich Leví a sacerdotejo', jariri' ich yo'nenob u winiquirob israel. M̄' ju ya'araj u jer.

[15](#) M̄' ja wirej, jach ch̄aca'an ij quiriquex caj c'ox u jer u t'̄n an ten bic tabar a sacerdotejo', quire' ic Jaj Ts'urirex quij, ȳn jach chich u muc' an ten bic jach chich u muc' Melquisedec uch. [16](#) M̄' ja wirej, ts'a'b u muc' ten C'uj Jesús, cax m̄' raji' yo'nen

Leví a ti' cu naj tar a sacerdotejo' ich u winiquirob israel. Chen Jesús y<sub>AN</sub> u muc' munt q'uin an ten bic tabar a sacerdotejo'. M<sub>A</sub>' ja wirej, m<sub>A</sub>' u quimin xan. <sup>17</sup> M<sub>A</sub>' ja wirej, baxuc caj tsicban<sub>A</sub>j C'uj uch, caj u tsicb<sub>A</sub>taj ti' Cristo uch caj ya'raj:

A techo', quij C'uj, caj in tetatech soc a wocar beyaj sacerdotejech, a jach no'jo', soc y<sub>AN</sub> tech a muc' an ten bic u muc' Melquisedec uch. A muc' a techo', munt q'uin tech y<sub>AN</sub> a muc'. M<sub>A</sub>' u xupur a muc'.

<sup>18</sup> Baxuco', a C'uko' caj u c'ax u jer t'<sub>AN</sub> an ten bic tabar u beyaj a sacerdote an ten bic caj u ts'ibtaj Moisés a ucho', quire' aro' m<sub>A</sub>na' u muc' a y<sub>AN</sub> beta'b quir u tocar mac. <sup>19</sup> Quire' m<sub>A</sub>' c'ucha'an yor mac tacbir ti' u si'pir ten u t'<sub>AN</sub> Moisés. Barej caj tarrij ic Jaj Ts'urirex, a mac jach manan u muc', raji' caj u ruc's u t'<sub>AN</sub> Moisés quire' m<sub>A</sub>' ba'wir ti'. Rajen ca' ij cacsex tij corex ca' yacso'onex C'uj ich ca'anan.

<sup>20</sup> M<sub>A</sub>' ja wirej, wa ber caj tuchi'ta'b ic Jaj Ts'urirex ten C'uj, raji' jach toc ara'b yocar beyaj an ten bic a sacardotejo'. <sup>21</sup> Chen a C'uko' m<sub>A</sub>' jach toc ara'b ti' a sacerdotejo' a ti' u tar yo'nen Leví a baxuco'. Chen a C'uko', wa ber caj u ts'ajaj u muc' ti' Jesús caj u jach toc araj ti' an ten bic baxuc ts'iba'an xan uch. Ic Jaj Ts'urirex C'uj caj u jach toc araj ti' rajen y<sub>AN</sub> u nup'sic a ba' tu ya'raj C'uj ti' u parar. Caj ara'b ten C'uj ti' u parar:

A teno', quij C'uj, tin toc tetech soc a wocar beyaj sacerdotejech, a jach no'jo', soc y<sub>AN</sub> tech a muc' an ten bic u muc' Melquisedec uch. A muc' a techo', munt q'uin y<sub>AN</sub> a muc'. Baxuc caj ara'b ti' ten C'uj.

**22** Quire' a Jesúso', toc y<sub>AN</sub> u muc' baxuco', rajen a ba' jach toc ara'b ten C'uj C'uj ti' to'onex uch bin u ca' nup'sic u t'<sub>AN</sub>. M<sub>A</sub>' ja wirej, a ba' toc ara'b ich yoc'or Jesús jach manan ti' a ba' toc ara'b ti' Moisés ten C'uj uch. **23** Robob, sacerdotejo', quij, a ti' cu tar ich yo'nen Leví jach pim a ucho', caj r<sub>AC</sub> quimob. Caj ts'oc u quiminob caj oc'ob u jer tu beyajob. Caj quimob an ten bic tu cotor mac ich yoc'ocab cu quiminob, rajen caj oca'b u jer tu beyajob. **24** Chen ic Jaj Ts'urirex Jesucristo toc y<sub>AN</sub> u muc' an ten bic sacerdote a jach no'jo', munt q'uin quire' raji' m<sub>A</sub>' u quimin. M<sub>A</sub>' u xupur u muc'. **25** Chen a mac a cu bin acsa'bir ten C'uj ich ca'an an quire' a ba' tu betaj Jesús uch, cu bin tacbir ten Jesús quir u cuxtar munt q'uin. Quire' ti' y<sub>AN</sub> Jesús munt q'uin quir u t'<sub>AN</sub>ic C'uj ti'ob ich ca'an an.

**26** A baxuco', ij c'atex turiri' sacerdote, a jach no'jo' an ten bic Jesús. Raji' jach tsoy yor quire' rajra' cu betic a ba' jach manan soy tu t'<sub>AN</sub> C'uj, m<sub>A</sub>na' u si'pir ti', A Jesúso' m<sub>A</sub>' quet yejer a mac a y<sub>AN</sub> u si'pir. Caj u ts'ajaj s<sub>A</sub>jta'bir Jesús ten C'uj quire' acsa'bir Jesús ich ca'an an. **27** C'aj wa techex, robob a sacerdote ucho', a jach no'jo' a nanij u quinsic y<sub>AL</sub>r<sub>AC</sub>' mac quir u to'quic u sijic ti' C'uj soc u bo'otic u bo'orir u si'pir mac. A sacerdotej a no'jo', m<sub>A</sub>' u chen quinsicob y<sub>AL</sub>r<sub>AC</sub>' ti' u yet winiquirob israel, caj u quinsob u b<sub>A</sub>jiri' quir u bo'oticob u bo'orir u b<sub>A</sub>jiri' u si'pirob xan. Chen ic Jaj Ts'urirex Jesucristo, u b<sub>A</sub>jiri' tu c'ubaj u b<sub>A</sub>j soc u quinsa' quir u r<sub>AC</sub> bo'otic u bo'orir u si'pir tu cotor mac. Chen teni' caj u bo'otaj, quire' m<sub>A</sub>' ba'wir ti' u jer. **28** Tu cotorob sacerdote a jach no'jo', a ti' u tar yo'nen Aarón nanij u beyajob quir u beticob a ba'

caj ara'bob ti' ten Moisés ich u t'Λn. Robob tΛcΛ yΛn u si'pirob. Chen u t'Λn a ba' tu toc araj C'uj uch, cax mΛ'toy ts'iba'an u t'Λn Moisés, quire' ra' pachir caj ts'ibta'b. A ba' tu toc araj C'uj uch, ra' tu tetaj u parar uch. Raji' mΛna' u si'pir. Raji' jach manan c'ucha'an yor an ten bic sacerdote.

## 8

### *A quet u t'Λno', a ric'beno'*

<sup>1</sup> Ic Jaj Ts'urirex caj oquij ich ca'an an ten bic sacerdote a jach no'jo'. Caj cuquinta'b ten C'uj a Jesúso' ich u noj ich ca'an an quir u caremquintic u c'aba'. Aro' jach no'j, mΛna' u jer jach manan no'j ti' a ba' quin ts'ibtic ti' techex. <sup>2</sup> Quire' a sacerdote, a jach no'jo', a mac cΛja'an te' ich yoc'ocab, nanij u beyaj tu japnin carem naj tu cu naj c'ujinticob C'uj u winiquirob judío. A ray najo' toc ts'Λpquinta'b ten mac ich yoc'ocab. Chen tu cu yocar Jesús ich ca'an an mΛ' ts'Λpquinta'b ten mac. <sup>3</sup> Robob a sacerdote, a jach no'jo', cu naj ts'ic ti' C'uj a ba' cu tar purbir ten u yet winiquirob judíojo' tu cu to'quicob ti' C'uj. Cax a sjbarob ten u yet winiquirob judío ti' C'uj, cax quir u bo'otic u bo'orir u si'pirob. Rajen ic Jaj Ts'urirex caj tarij tu c'ub u wΛc'Λs bΛjiri' quir u bo'otic u bo'orir ic si'pirex ich u cruz. <sup>4</sup> Jaj ix tΛcoj wa jic Jaj Ts'irirex wa toc yΛn te' ich yoc'ocab baje'rer, raji' mΛ' c'ucha'an yor ocar beyaj sacerdote an ten bic sacerdote a cu bin purbir tu cu naj to'quic quir u ts'ic ba' ti' C'uj, quir u quibic a ba' ts'iba'an ten Moisés ich u t'Λn. MΛ' ja wirej, robob u sacerdote ra' u toc beyajob ti' C'uj. <sup>5</sup> MΛ' ja wirej, a sacerdotejo', a cu yocarob tu beyajob ich u

japnin naj tu cu naj c'ujinticob C'uj u winiquirob judío. A ray najo', c'ʌxbir ten u winiquirob judío ich yoc'ocab tus ets'bir quet yejer a ba' yʌn ich ca'anano', quire' tu ca'tajob u winiquirob judío ti' a ba' esbir ti'ob ten Moisés uch. Mʌ' ja wirej, caj ara'b ten C'uj ti' Moisés uch: "Qui' irex bic tabar a c'ʌxiquex u najir tu ca bin a c'ujintiquenex yejer a wet winiquirob judíojo'. Quet bayiri' ca' a c'ʌxex an ten bic caj in wesaj techex ich u jo'r p'uc wits." Baxuc caj ara'b ten C'uj. <sup>6</sup> Robob a sacerdotejo', a ti' cu tar ich yo'nен Leví, caj beyanʌjob tera' ich yoc'ocab. Chen ic Jaj Ts'urirex caj oc beyaj ca'anán an ten bic sacerdote a jach no'jo'ʌcʌtan ti' C'uj quir u t'ʌnic C'uj ti' to'onex. Rajen u muc' a Jesúso' jach manan ti' a sacerdotejo', a ti' cu tar ich yo'nен Leví. Robob mʌ' ju c'uchur u muc'ob ti' Jesú. Mʌ' ja wirej, u muc' a utsquinta'b ten C'uj, jach manan ti' u muc' a ts'a'b ten C'uj ti' Moisés uch. A quet u t'ʌno' a caj ts'a'b ten C'uj ti' to'onex baje'rer jach manan ti' a quet u t'ʌno', a ts'a'b ten C'uj ti' ic nunquirex uch.

<sup>7</sup> A ray quet u t'ʌno', a uchbeno' mʌ' nequi' joq'uij rajen a C'ijo' caj u wʌc'ʌs pa'aj u jer, quij. <sup>8</sup> Quire' ic Jaj Ts'urirex C'uj caj u yiraj u winiquirob judío mʌ' quet yorob u t'ʌn, a uchbeno' rajen caj ya'araj: Ca' bin c'uchuc tu q'uinin, quij C'uj, je' in wʌc'ʌs pajic u jer a quet u t'ʌno' yejer u winiquirob israel, bayiri' yejer a mac a ti' cu tar yo'nen Judá. <sup>9</sup> Je' in wʌc'ʌs pajic u jer a quet u t'ʌno' chen aro' mʌ' quet yejer a tin betaj yejer a nunquirex wa ber caj in yamtob, caj in joc'saj a ti'obo' tu ru'umin Egípto uch. Robob mʌ' tu quibajob in t'ʌn a tin ts'aja

ti'ob rajen caj in p'uspachtaj ti'ob, baxuc cu ya'aric ic Jaj Ts'urirex C'uj. <sup>10</sup> Wa ber ca' bin c'uchuc tu q'uninin, quij C'uj, ca' bin in ts'ic ti' u winiquirob israel u jerob a quet u t'ano', je' in ts'ic ti' ca' toc ocac in t'an tu pixamob u winiquirob israel soc u najticob in muc', quij soc m'a' u bin tubur ti'. A ray u quinino', quij C'uj, a raji'ob a ten y'aninob, jach qui' bin u yajquintiquenob. <sup>11</sup> Wa ber ca' bin c'uchuc a ray u q'uinino', quij C'uj, m'a' ba'wir mac quir ij camsic. A mac tan ya'aric ti' u b'job, cax wa ja mac c'la'an tu cajar: “C'anex C'uj”, quire' cu bin u r'ac najtob in t'an, cax a mac carem, cax a mac a m'a' caremi', tu toc r'ac najtob. <sup>12</sup> A teno', quij C'uj, quin bin in jawsic u si'pirob, mix quin bin in c'otica' u si'pirob, m'a' biq'uin. A baxuc ara'b ten C'uj uch.

<sup>13</sup> Quire' a baxuc caj ya'araj C'uj caj u w'c'as pa'aj u jer quet u t'an yejer ric'ben t'an. Rajen ij querex toc xup u muc' a quet u t'an a uchbeno' quire' tabar u xupur u muc'.

## 9

*A najir tu cu naj c'ujinticob C'uj u winiquirob judío ich u cajar Jerusalén. Unajir a tajo' a ti'y'an ich ca'anano'*

<sup>1</sup> M'a' ja wirej, ich a quet u t'ano' a uchbeno' Moisés caj u ya'araj ti' ij quet winiquirob israel bic tabar ca' ij c'ujintex C'uj ich u najir tera' ich yoc'ocab'a'. <sup>2</sup> M'a' ja wirej, a ray naj sina'ano'. Ti' y'an jun c'as ich a ray najo' a caj u ya'araj ic nunquirex uch: “U cuchir tu cu jac'ar u yor mac.”

Tu japnin arayo', ti' y<sub>λ</sub>n u cuchir a cu ch'i quintic ya'ab u quibir ras, bayiri' ti' y<sub>λ</sub>n xan, u pojche' tu t'<sub>λ</sub>ra'an a pano', a cu jac'ar yor maco'. <sup>3</sup> Ca' bin ocac mac tu japnin u najir tu cu naj c'uj inticob C'uj ic nunquirex uch. Ti' t'ina'an u jer noc' chumuc, jach pim a noc'o'. Ti' sina'an u noq'uir ich u co'chir u tan naj. Jenen u yo quir u noc' ich ru'um, quij. Tu pach a jach pim noc'o', tu t'ina'an ich u najir tu cu c'uj inticob C'uj u winiquirob israel, ti' y<sub>λ</sub>n u cuchir tu cu ts'ic ti' C'uj. Aro' jun c'as naj, a jach manan u jac'ar yor mac. <sup>4</sup> A ray u cuchiro' tu cu ts'ic ti' C'uj, t<sub>λ</sub>c<sub>λ</sub>j oro beta'an u cuchir ra' quir u to'quic ti' C'uj a qui' u boque'. Bayiri', xan, ti' y<sub>λ</sub>n u jer u cuchir tu japnin naj tu cu c'uj inticob C'uj u winiquirob israel. A ray u cuchiro', u cuchir oro xan. Toc beta'an oro tu japnin u cuchir. Toc beta'an oro tu pach u cuchir. Toc beta'an oro tu tser u cuchir. A je' cuchir a caj beta'b a ray u q'uinino caj u quetquintajob u t'<sub>λ</sub>n u winiquirob israel yejer C'uj. Ra' tu bat'an quetquintob u t'<sub>λ</sub>n ob uch yejer C'uj. Tu japnin a ray u cuchiro' ti' buta'an u chan p'urir a beta'b oro. Ti' but'a'an chichin och, u c'aba' mana tu jantajob u winiquirob israel uch caj manob ich t<sub>λ</sub>cay ru'um uch, quij. Bayiri', xan, ti' but'a'an u xonte' Aarón a joc' u c'uc' uch a ra' y<sub>λ</sub>n Aarón u sucu'un Moises uch. Bayiri' xan, ti' but'a'an u tunichir tu ts'iba'an u t'<sub>λ</sub>n C'uj, a diezo', a ts'a'b ten C'uj ti' Moisés uch. <sup>5</sup> U mac u jor u chan cuchir a r<sub>λ</sub>c toc beta'b oro ra'ji' cu wa'quic u q'uiq'uer a y<sub>λ</sub>r<sub>λ</sub>c'o' ich u mac u jor quir u bo'otic u si'pir u winiquirob israel. Ti' y<sub>λ</sub>n ca'tur cu tus ets'tic y<sub>λ</sub>j masirob u t'<sub>λ</sub>n C'uj, tan u pixicob u mac u jor u chan cuchir a beta'b oro,

ch'iquicbarob u tus y<sub>λ</sub>jets'irob y<sub>λ</sub>jmasirob u t'<sub>λ</sub>n C'uj. Robob caj u jo't'antob oro ten mac soc u tus ets'ticob y<sub>λ</sub>jmasirob u t'<sub>λ</sub>n C'uj. Cu xit'ob u c'<sub>λ</sub>bob ich yoc'or u chan cuchir. Aro' cu jach jac'ar u yor mac quire' ti' cu tar C'uj quir u t'<sub>λ</sub>nic u winiquirob israel. Chen baje'rer ts'oc in tsicbar techex ti' u chan cuchir a beta'b oro. <sup>6</sup> A baywo', toc ti' y<sub>λ</sub>n tu cotor ba' ich u japnin u najir tu t'ina'an quir u c'ujinticob C'uj u winiquirob israel. Ti' cu naj ocar a sacerdote quir u betic an ten bic nanij cu betic quir u c'ujinticob C'uj u winiquirob israel. <sup>7</sup> Chen tu jach japnin naj, tu y<sub>λ</sub>n u chan cuchir a cu jac'<sub>λ</sub>r yor mac. Jari' cu c'uchur a sacerdotejo' a jach no'jo', teni' yocar sacerdotej. Tanja' ca' bin ocac tu japnin naj a jun c'aso' tu cu jac'ar yor mac. A sacerdotejo', a jach no'jo' yet tar u q'uiq'uer y<sub>λ</sub>r<sub>λ</sub>c' quir u ruc'sic u bo'orir u si'pir u yet winiquirob israel. Bayiri' xan, u bo'orir u w<sub>λ</sub>c'<sub>λ</sub>s b<sub>λ</sub>jiri' u si'pir xan. Ti' cu waq'uic u q'uiq'uer u mac tu jor u chan cuchir a cu jac'ar yor mac quir u ruc'sic u si'pirob. <sup>8</sup> A baywo', u Taj'or u Pixam C'uj tan u camsico'onex ca' ic najtejex ti' toy y<sub>λ</sub>n u muc' a quet u t'<sub>λ</sub>no' a tu ts'ibtaj Moisés uch. Ti' toy cu beyaj quire' ti' toy t'ina'an u noq'uir a jach pimo' tu chumuc u japnin naj, a jun c'aso' tu cu naj c'ujinticob C'uj u winiquirob israel. Rajen tu cotor mac m<sub>λ</sub>' c'ucha'an yor yocarob tu jach japnin naj tu y<sub>λ</sub>n a chan cuchir a cu jac'ar yor maco'. <sup>9</sup> Quire' a noc'o', a jach pim a ti' t'ina'an tu japnin naj tu cu naj c'ujinticob C'uj u winiquirob israel. Ra' cu camsico'onex u winiquirob israel m<sub>λ</sub>' c'ucha'an yor u nats'ar ich C'uj quire' ti' toy y<sub>λ</sub>n u muc' a quet u t'<sub>λ</sub>no' a ts'ibta'b ten Moisés uch. M<sub>λ</sub>' ja wirej,

quij, cax a ba' cu tarob u purob quir u ts'ic ti' C'uj u bo'orir quir u ruc'sicob u si'pirob. MΛ' ju tar yor soc jach ti' yΛn yor u winiquirob israel. <sup>10</sup> MΛ' ja wirej, quij, ra' u muc' a uchbeno' a quet u t'Λno', a tu ts'ibtaj Moisés uch, quij, ra' soc yerob quir u yesic u winiquirob israel bic tabar u p'o'icob u c'Λb quir u tar u c'ujinticob C'uj, bayiri' xan, a ba' tsoy u janticob bayiri' a ba' tsoy u yuq'uicob. Tu cotor aro' ti' yΛn hasta c'uchij tu q'uinin caj tuchi'ta'b ten C'uj ic Jaj Ts'urirex Jesucristo quir u joc'sic a ba' jach manan tsoy. <sup>11</sup> Wa ber caj tarij Cristo uch, caj tarij an ten bic sacerdote a jach no'jo', quire' yΛn u muc' a ric'beno', aro' jach manan a ric'beno', chen a uchbeno', mΛ' jach manani'. Pachir Jesús caj wΛc'Λs binij ich ca'anán. Chen robob, sacerdote a jach no'jo', a yΛn u muc' a uchbeno', robob cu naj beyajob tu cu naj c'ujinticob C'uj u winiquirob israel. A ra' najo' toc beta'b ten u winiquirob israel, chen a Cristojo' cu beyaj ich C'uj. <sup>12</sup> Chen robob, a sacerdotejo', a no'jo', cu naj binob tu yΛn u cuchir, a cu jac'Λr u yor mac, quir u waq'uicob u q'uiq'uer a yΛrΛc' chivo, cax yΛrΛc' chan wacax. Teni' tanja' cu naj binob a sacerdotejo' a no'jo' quir u bo'otic u bo'orir u si'pirob. Barej ic Jaj Ts'urirex Jesucristo caj u c'ubaj u bΛj ca' quinsac toc jumpuri' toc yejer u wΛc'Λs q'uiq'uer caj u ruc'saj ic si'pirex caj u taco'onex munt q'uin, caj wΛc'Λs binij ich C'uj. Rajen mΛ' ba'wir u jer baje'rer. <sup>13</sup> A ucho', tu q'uinin u muc' a uchbeno', a ts'ibtab ten C'uj ti' Moisés uch, robob a sacerdotejo', a no'jo', caj u wac'ob u q'uiq'uer yΛrΛc' chivo, cax u q'uiq'uer yΛrΛc' ton wacax, quir u ruc'sic u bo'orir u si'pirob u winiquirob israel. Jeroj tune' caj tocaj yΛrΛc'

soc chen u ta'anir y<sub>λ</sub>n. Ra' u ta'anir y<sub>λ</sub>r<sub>λ</sub>c' caj po'stanta'b tu jo'r u winiquirob israel soc yerob tan u p'obarob ti' u si'pirob, bayiri' soc yer p'o'b ti' a ba' c'asir caj u betob an ten bic caj u c'ujintajob C'uj. <sup>14</sup> Chen u q'uiq'uer ic Jaj Ts'urirex Jesucristo jach manan no'j, quire' m<sub>λ</sub>na' u si'pir, mix turiri' ti'. A Jesuso' u b<sub>λ</sub>jiri' tu ts'aj u b<sub>λ</sub>j quire' yamta'b ten u Taj'or u Pixam C'uj, ara' munt q'uin ti' y<sub>λ</sub>n u Taj'or u Pixam C'uj. Jesús caj u ts'aj u b<sub>λ</sub>jiri' soc u quinsa' quir u jawsic ic si'pirex soc u taquico'onex. Rajen toc ti' y<sub>λ</sub>n ij corex quire' tan ij quibiquex a ba' cu ya'aric C'uj, a mac jach cuxa'an. <sup>15</sup> Caj quimij Jesús, caj joc' u q'uiq'uer quir u ruc'sic u bo'orir ic si'pirex, ra' u muc' a quet u t'<sub>λ</sub>no' a ric'ben t'<sub>λ</sub>no'. A raji' ti' y<sub>λ</sub>n ich ca'anano' quir u t'<sub>λ</sub>nic to'onex C'uj. Rajen, a mac a teta'b ten C'uj ti' cu bin c<sub>λ</sub>jtar ich C'uj an ten bic tu toc araj uch. M<sub>λ</sub>' ja wirej, caj u tacajo'onex C'uj, quire' caj joc' u q'uiq'uer u parar C'uj a Jesucristojo', rajen caj u jawsaj ic si'pirex C'uj, cax m<sub>λ</sub>' tij quibex u muc', a quet u t'<sub>λ</sub>no', a uchben t<sub>λ</sub>no'. <sup>16</sup> M<sub>λ</sub>' ja wirej, a mac a caj u ts'ibtaj u ju'unin quir u p'<sub>λ</sub>tic u ba'tac ti' u b<sub>λ</sub>job, m<sub>λ</sub>' u bin ts'abir u ba'tac ti', hasta cu quimine' a mac tu ts'ib tu ju'unin ti' u ba'tac. Hasta cu quimin, jeroj, cu ts'abar u ba'tac, quire' quimij. <sup>17</sup> Wa ti' toy cuxa'an, m<sub>λ</sub>' ju bin ts'abir u ba'tac. <sup>18</sup> Rajen, u muc' a quet u t'<sub>λ</sub>no', a ts'a'b ten C'uj uch, ca' u y<sub>λ</sub>n joc'sic u q'uiq'uer y<sub>λ</sub>r<sub>λ</sub>c' soc u nup'sic a ba' ara'b ten C'uj uch, quij. <sup>19</sup> Rajen a Moisésō', caj ts'oc u toc ara'a' ti' tu cotor u winiquirob israel a ba' ara'b ti' ten C'uj. Ra' u muc' a quet u t'<sub>λ</sub>no' a Moisésō', caj u ch'aj junoc u tsotser y<sub>λ</sub>r<sub>λ</sub>c' t<sub>λ</sub>m<sub>λ</sub>n yuc, aro' bana'an ch<sub>λ</sub>c. Bayiri' xan, caj u chucaj u

c'Λbir u chan che'er yejer u re', a pΛcha'an u c'aba' hisopo. A Moiséso', caj u chucaj ti'ob caj u ts'Λmaj yejer u c'Λbir yejer u re' ich u q'uiq'uer yΛrΛc' chivo yejer u q'uiq'uer yΛrΛc' chan ton wacax. Robob tu ch'ajob u tsotser tΛmΛn yuc yejer u c'Λbir u chan che' yejer u re' xan, Moisés caj u ts'Λmaj ich ja'. Jum puri' caj u rΛc ts'Λmob Moisés ich ja'. Jeroj Moisés caj u wits'c'Λbtaj u q'uiq'uer ich u ju'unin a quet u t'Λno' a tu ts'bitaj Moisés a ts'ab ten C'uj ti' Moisés. Bayiri' xan, caj u chan wits'c'Λbtaj u q'uiq'uer ich yoc'or u winiquirob israel. <sup>20</sup> A Moiséso', caj ts'oc u wits'c'Λbtic a q'uiq'uero' ich yoc'or u winiquirob israel caj u ya'araj: "U muc' a quet u t'Λnob a cu ts'ab ti' techex ten C'uj baje'rer cu yΛnxchun." Baxuc caj ara'b ten Moisés uch. <sup>21</sup> Bayiri' xan, Moisés, caj oc tu japnin naj tu cu naj c'ujinticob C'uj u winiquirob israel, a ti' yΛn ich tΛcay ru'um uch. Ti'taro' caj u wits'c'Λbtaj u q'uiq'uer ich yoc'or tu cotor ba' a ti' yΛn tu japnin. Bayirir xan, tu wits'c'Λbtaj ich yoc'or u jach najir, a t'ina'an quir u c'ujinticob C'uj u winiquirob israel uch. <sup>22</sup> Ma' ja wirej, u muc' a quet u t'Λnob a tu ts'ibtaj Moisés cu ya'aric, tu cotor ba' a cu c'Λnic u winiquirob israel tu cu c'ujinticob C'uj, a ray u q'uinino' uch, caj p'ob ten a wits'c'Λbta'bo' a q'uiq'uero'. Bayiri' xan, yΛn u yΛn quinsic yΛrΛc' u winiquirob israel soc u joc'ar u q'uiq'uer soc C'uj cu ruc'sic u si'pir mac, quire' joc' u q'uiq'uer yΛrΛc'ob. Ma' ja wirej, ma' jawsa'b u si'pir ten C'uj wa ma' joc'ac u q'uiq'uer yΛrΛc'ob.

*Caj quimij Jesús ich u cruz, caj u ruc'saj ic si'pirex*

**23** Caj u y<sub>λ</sub>nxchun u chan najir a sina'an quir u naj c'ujinticob C'uj u winiquirob israel uch, raji' tu y<sub>λ</sub>nx chun a ba' ts'ibta'b ten Moisés uch, raji' u muc' a quet u t'<sub>λ</sub>nob, a uchben t'<sub>λ</sub>no'. Rajen caj tarob u c'ujinticob C'uj u winiquirob israel yerob m<sub>λ</sub>' u ruc'sa'r u si'pirob wa m<sub>λ</sub>' wits'c'<sub>λ</sub>bta'b u q'uiq'uer y<sub>λ</sub>r<sub>λ</sub>c'ob. M<sub>λ</sub>' ja wirej, tu cotor a ba' a ti' y<sub>λ</sub>n tu japnin naj tu cu naj c'ujinticob C'uj a cu c'<sub>λ</sub>nicob u winiquirob israel quir u c'ujinticob C'uj y<sub>λ</sub>n u y<sub>λ</sub>n p'ob ten u q'uiq'uer y<sub>λ</sub>r<sub>λ</sub>c'ob. Chen quir u bin yacsico'onex C'uj ich ca'anan tu y<sub>λ</sub>n C'uj, m<sub>λ</sub>' ba'wir u q'uiq'uer y<sub>λ</sub>r<sub>λ</sub>c', quire' u c'at u jer jach manan u muc'. **24** Robob a sacerdote a no'jo', chen ts'a'bob u muc' quir u beyajob tu cu naj c'ujinticob C'uj u winiquirob israel, a ray najo' beta'b ten xib. Chen u muc' a ts'a'b ten C'uj ti' Jesús, jach manan u muc' Jesús, quire' ti' y<sub>λ</sub>n Jesús ich ca'anan tan u t'<sub>λ</sub>nic C'uj ti' to'onex. A ti' taro', y<sub>λ</sub>n u tajir a ba' tu ets' catajob u winiquirob israel quir u beticob uch, a ba' ti' y<sub>λ</sub>n quir u yamta'ob u c'ujinticob C'uj u winiquirob israel uch. **25** Robob a sacerdote, a no'jo', nanij caj ocob tu japnin naj quir u wits'c'<sub>λ</sub>btic u q'uiq'uer y<sub>λ</sub>r<sub>λ</sub>c' ich yoc'or u chan cuchir a cu jac'<sub>λ</sub>r yor mac. U jer yaxq'uin u jer u jer u c'at, quire' baxuc ti' y<sub>λ</sub>n ich a quet u t'<sub>λ</sub>nob, a uchben t'<sub>λ</sub>no'. Chen teni' quimij Jesús quir u ruc'sic ic si'pirex, jeroj caj toc ts'oquij. **26** M<sub>λ</sub>' ja wirej, ra' u q'uiniño' caj y<sub>λ</sub>n beta'b ten C'uj ich yoc'ocab, ic nunquirex, quij, caj u quinsob y<sub>λ</sub>r<sub>λ</sub>c' soc u ts'ic ti' C'uj quir u ruc'sic u bo'orir u si'pirob. Chen a C'uko' caj u w<sub>λ</sub>c'<sub>λ</sub>s p<sub>λ</sub>caj u pac u jer quet u t'<sub>λ</sub>nob a ric'ben t'<sub>λ</sub>no', rajen tarij Cristo quir u quimin toc teni' quir u ruc'sic u bo'orir ic si'pirex,

quij. <sup>27</sup> Ma' ja wirej, tu cotor mac teni' cu chen quimin quire' baxuc caj ya'araj C'uj. Bayiri' chen teni' cu bin  $\Delta$ c $\Lambda$ tan C'uj quir yiric ba' tu betaj uch. <sup>28</sup> Bayiri' xan, ic Jaj Ts'urirex teni' caj quimij quir u ruc'sic u bo'orir u si'pirex ti' tu cotor mac. Wa ber ca' bin uruc Jes $\Delta$ s, m $\Lambda$ ' quir u w $\Lambda$ c' $\Lambda$ s quimin quir u ruc'sic ic si'pirex chen quir u taquic a mac a tan u qui' pajic ti'.

## 10

<sup>1</sup> Ma' ja wirej, a muc'o', a caj u w $\Lambda$ c' $\Lambda$ s p $\Lambda$ caj pac u jer, a quet u t' $\Lambda$ no', a tu joc'saj caj quimij Cristo, ra' jach manan ti' a quet u t' $\Lambda$ no', a ts'ab ti' Moisés uch. Chen a ts'a'b ti' Moisés', m $\Lambda$ ' c'ucha'an yor ti' a quet u t' $\Lambda$ no', a ric'beno' yejer a uchben t' $\Lambda$ no'. Ma' ja wirej, tu q'uinin a quet u t' $\Lambda$ no' a uchben t' $\Lambda$ no' u winiquirob israel m $\Lambda$ ' c'ucha'an yorob u nats' $\Lambda$ rob ich C'uj, quire' ti' toy y $\Lambda$ n u muc' a quet t' $\Lambda$ no' a ts'ibta'b ten Moisés uch. Ma' u tarob yor soc ti' y $\Lambda$ n yorob. Cax a ba' cu tarob u puricob quir u ts'icob ti' C'uj u bo'orirob quir u ruc'sic u si'pir. Cax rajra' u jer yaxq'uin cu quinsicob u ts'icob y $\Lambda$ r $\Lambda$ c' quir u ruc'sic u bo'orir u si'pirob. <sup>2</sup> Ma' ja wirej, wa ju winiquirob israel yerob toc teni' caj ruc'sa'b u si'pir, rajen m $\Lambda$ ' ba'wir quir u w $\Lambda$ c' $\Lambda$ s bin u purob y $\Lambda$ r $\Lambda$ c' quir u ts'icob ti' C'uj u bo'orir u si'pirob. Chen robob m $\Lambda$ ' u yubm $\Lambda$ nob tu yorob wa ti' y $\Lambda$ n u yorob quire' u si'pirob, cax wa toc jumpuri' ruc'sa'b u si'pirob caj u quinsob y $\Lambda$ r $\Lambda$ c' quir u jaw $\Lambda$ r u si'pirob. <sup>3</sup> Ma' ja wirej, rajra' u jer yaxq'uin cu puricob ti' C'uj u y $\Lambda$ r $\Lambda$ c' quir u ruc'sic u si'pirob u winiquirob israel an ten bic nanij cu ts'icob ti', quire' tan u c'aja ti' u bo'orir ti' u

si'pirob. <sup>4</sup> Quire' u q'uiq'uer y<sub>λ</sub>r<sub>λ</sub>c' ton wacax yejer u q'uiq'uer y<sub>λ</sub>r<sub>λ</sub>c' chivo m<sub>λ</sub>' c'ucha'an yor u yamta' u winiquirob israel yirej wa ju jawsa' u si'pirob teni'.

<sup>5</sup> Rajen, caj tarij ic Jaj Ts'urirex Jesucristo caj u ya'araj ti' C'uj:

A techo' C'uj, quen, m<sub>λ</sub>' ja c'at a wiric mac tan u quinsic y<sub>λ</sub>r<sub>λ</sub>c' quir u ts'ic tech soc u jaw<sub>λ</sub>r u si'pirob. Rajen jach tsoy ta t'<sub>λ</sub>n tech caj a ts'aja ten in winquirir soc ra' in w<sub>λ</sub>c'<sub>λ</sub>s c'ub in b<sub>λ</sub>j soc in quinsa'. <sup>6</sup> A techo' C'uj, quij Cristo, m<sub>λ</sub>' a c'at a wirej u quinsic u y<sub>λ</sub>r<sub>λ</sub>c'ob quir u r<sub>λ</sub>c toquic quir u ts'ic tech quir a ruc'sic u si'pirob. <sup>7</sup> A techo', in c'ujirech, quire' taren ich yoc'ocab soc in quibic a ba' ta wa'araj, an ten bic caj ara'b ten a mac ts'a'b u tucur uch quir u ts'ibtic a ba' a c'at uch.

<sup>8</sup> Ic Jaj Ts'urirex caj ya'araj, a C'uj o' m<sub>λ</sub>' u c'at a ba' ts'a'bir ti'ob u winiquirob israel, a y<sub>λ</sub>r<sub>λ</sub>c' a cu quinsicob, cax a y<sub>λ</sub>r<sub>λ</sub>c' a tocac quir u ruc'sicob u si'pirob, cax a ba' cu qui'quintic yor C'uj, cax wa mun cu ts'ic ti'ob, m<sub>λ</sub>' u c'at C'uj. Cax toc ara'b ich u t'<sub>λ</sub>n Moisés ca' u y<sub>λ</sub>n ts'ic ti' C'uj m<sub>λ</sub>' u c'at xan.

<sup>9</sup> Caj u w<sub>λ</sub>c'<sub>λ</sub>s araj: "A teno', quij Cristo, taren a tera' ich yoc'ocab, C'uj soc in quibic a ba' ta ric'saj a t'<sub>λ</sub>n ten ca' in betej", quij. Wa ber caj u ya'araj Cristo aro', caj ts'oc u w<sub>λ</sub>c'<sub>λ</sub>s p<sub>λ</sub>quic u pac u jer a ba' ts'ibta'an ten Moisés, a quet u t'<sub>λ</sub>no', a uchben t'<sub>λ</sub>no' ca' quinsa' ich cruz quij, soc u winiquirob israel m<sub>λ</sub>' u bin ts'ic ti' C'uj y<sub>λ</sub>r<sub>λ</sub>c' quir u ruc'sicob u bo'orir u si'pirob. <sup>10</sup> Quire' baxuc Cristo caj u betaj a ba' u c'at C'uj. A baywo' caj u w<sub>λ</sub>c'<sub>λ</sub>s p<sub>λ</sub>quic u

pac u jer a quet u t'ano' a ric'ben t'ano'. Rajen caj u jawsaj ic si'pirex Cristo quire' teni' caj u c'ub u b $\Delta$ j soc u quinsa' quir u p'obar ic si'pirex tan u ric'sic to'onex quir ic beyajex ti' C'uj. <sup>11</sup> Tu q'uinin a quet u t'ano', a uchben t'ano', a ts'ab ten C'uj ti' Moisés uch, robob a sacerdote a no'jo', cu naj toquicob ba' ti' C'uj. U jer, u jer u q'uinin y $\Delta$ n u ts'ic u jer ti' C'uj. Cax a baxuco' caj ts'ab ten sacerdote, a no'jo', ti' C'uj m $\Lambda$ ' ju cha'b $\Delta$ r u tubur ti' u winiquirob israel ten a quet u t'ano', a uchben t'ano' wa toc teni' ruc'sa'b u si'pirob, rajra' cu tsicob ti'. <sup>12</sup> Chen ic Jaj Ts'urirex Jesucristo caj quimij toc jumpuri' caj u bo'otaj u bo'orir ic si'pirex, m $\Lambda$ ' ba'wir ti' u jer. Pachir caj u w $\Delta$ c' $\Delta$ s binij ich ca'an anan caj curaj ich u noj C'uj. <sup>13</sup> A tar y $\Delta$ no' Jesús ich ca'an anan tan u pajic u q'uinin a C'ijo' cu bin u ts'ic ti' Jesús u muc' ich yoc'or a mac a cu p'acticob Jesús soc u toc r $\Delta$ c ch'esicob ti'. <sup>14</sup> M $\Lambda$ ' ja wirej, toc jumpuri' quir u taquic mac a cu yacsic tu yor wa ber caj u c'ub u b $\Delta$ j quir u p'obar ic si'pirex soc u ric'sm $\Lambda$ no'onex C'uj quir ic beyajex ti' C'uj. <sup>15</sup> Aro' jach taj quire' turiri' a mac a ts'ab u tucur ten C'uj caj u ts'ibtaj a ba' u c'at C'uj uch. M $\Lambda$ ' ja wirej, raji' u Taj'or u Pixam C'uj caj u ya'araj ti' uch. <sup>16</sup> Rajen caj u ts'ibtaj:  
 Ic Jaj Ts'urirex C'uj caj ya'araj, ca'bin tac tu q'uinin  
     bin in w $\Delta$ c' $\Delta$ s p $\Delta$ quic u pac u jer quet t'ano' a  
     ba' quin toc aric ti' u winiquirob israel. Je'  
     in ts'ic ti' ca' ocac in t' $\Delta$ n tu pixamob soc u  
     najticob in muc' soc m $\Lambda$ ' u bin tubur ti'ob.

<sup>17</sup> Pachir, quij, baxuc caj u ya'araj xan:  
 A teno', quij C'uj, je' in ruc'sic u si'pirob. M $\Lambda$ '  
     biq'uin quin bin in c' $\Delta$ 'otic ti'ob, cax a ba'  
     c'asir caj u betob uch xan.

**18** Wa ber u q'uinin a C'uj o' caj u ruc'saj u si'pir mac mΛ' ba'wir quir u wΛc'Λs ts'ic ti' C'uj quir u ruc'sicob u si'pirob. Toc ts'oquij.

*Ca' ij cacsex tij corex quir ij cocarex tu yΛn C'uj*

**19** Rajen in wet acsΛ'orirex, tu q'uinin a quet u t'Λno', a uchben t'Λno', mΛna' mac c'ucha'an yor u yocar tu jpnin naj tu yΛn u chan cuchir, a cu jac'Λr yor maco'. Chen quire' a quet u t'Λno', a ric'ben tΛno', tu joc' u q'uiq'uer Cristo, jeroj c'ucha'an ij corex ij cocarex ti' junc'as naj a cu jac'Λr yor maco', tu yΛn C'uj, quire' mΛ' u jac'Λr ij corex, quij, ij cocarex. **20** Bayiri' xan, raji' u bΛjiri' Cristo ti' yΛn ich ca'anan ich C'uj, quire' ric'ben bej a tu jaraj ti' to'onex, jeroj c'ucha'an ij corex ij cocarex tu tajir ΛcΛtan ti' C'uj. **21** MΛ' ja wirej, ic Jaj Ts'urirex Jesucristo oquij tu beyaj an ten bic sacerdote a jach no'jo' soc u t'Λnic C'uj ti' to'onex, quire' ra' yΛnino'onex C'uj. **22** Ca' nats'Λco'onex ich C'uj yejer u tsoyir ic pixamex quire' mΛ' ba'wir ca' ic tucrex ba', quire' tij cacsex tij corex ti' Cristo. MΛ' ja wirej, toc ruc'sa'b ic si'pirex ten C'uj quire' toc p'ob ic pixamex. MΛ' ja wirej, caj joc' u q'uiq'uer Jesús soc u p'obaro'onex irej a mac toc p'ob ich ja' soc u ruc'ur u yeq'uir. **23** Ca' ij cacsex tij corex wa C'uj cu bin u yacsico'onex, quire' tij quibajex a ba' tu toc araj to'onex C'uj wa ber tu ya'araj aro' uch. **24** Ca' ic chichquintej yor ij quet acsΛ'orirex soc ic pacran yajquintiquex ic bΛjex soc ic manex tu tsoyir. **25** MΛ' ic yΛn p'Λtiquex ic much'quintic ic bΛjex quir ij cu'yiquej u t'Λn C'uj xan, quire' yΛn junyarob, ij quet acsΛ'orirex tan u p'Λticob u muchq'uinticob u bΛj quir yubicob u t'Λn C'uj. MΛ' ja wirej, rajra' ca'

ic chichquintej ij corex quire' tabar u q'uinin ca' bin uruc ic Jaj Ts'urirex Jesucristo.

<sup>26</sup> Wa tic najtajex u jach tsoyir u t'ʌn C'uj, chen rajra' quic pʌyiquex ic si'pirex quire' baxuc ic c'atex, jeroj mʌ' u jawsic ic si'pirex. <sup>27</sup> Jeroj tune', yʌn ba' ca' ic tucrex, quire' je' ic binex ʌcʌtan ich C'uj quir u to'car ic jo'rex, jeroj tune', ca' bin ts'ocac aro', je' ic binex ich c'ac' yejer a mac tu ma'quintob C'uj. <sup>28</sup> A ucho' tu cotor mac a tu p'uspachtob a quet u t'ʌno', a tu ts'ibtaj Moisés uch, wa yirir ten u yet winiquirob israel a caj manob tu c'asir cax wa dos wa tres u yirob. A ray maco', a man tu c'asir caj joc'sa'b quinsbir ten u yet winiquirob israel. Ma' jawsa'b u si'pir ten u yet winiquirob israel toc quinsa'b. <sup>29</sup> A mac a tu p'uspacht u parar C'uj, jach manan cu bin muc'yaj, quire' tu ma'quintaj a quet u t'ʌno', a ric'ben t'ʌno', quire' tuchi'ta'b u parar C'uj ten C'uj. Ma' ja wirej, p'asta'b u parar C'uj quire' cu p'astic u q'uiq'uer a joc'sa'b quinsbir Jesús ti' a quet u t'ʌno', irej wa mʌna' ba', a ray q'uiq'uelo' a tu cu p'o'ic ic si'pirex. Bayiri' xan, tu ma'quintaj u Taj'or u Pixam C'uj a mac a cu yajquintic mac, rajen qui' irej, quij. <sup>30</sup> Quire' tij quirex C'uj caj u ya'araj: "Je' in ts'ictar yejer a mac a yʌn u si'pir, rajen je' u muc'yaj ten, quij, u bo'orir u si'pirob." Caj u wʌc'ʌs araj C'uj: "Je' in taquic u jo'r a ten yʌnin quire' a teno', juezen." <sup>31</sup> Jach yaj cu bin yubej mac ca' bin ts'icac C'uj, a cuxa'an a C'uko'.

<sup>32</sup> Ma' u yʌn tubur techex bic tabar Cristo caj u yacsaj techex ich u sasirir. Nemʌ' biquechex tu caj a muc'yanʌjechex uch, tub tu chuquex a

pachex jach manan. <sup>33</sup> Y<sub>λ</sub>n u q'uinin uch, caj u p'astob techex, tan u chich j<sub>λ</sub>ts'icob a pachex <sub>λ</sub>c<sub>λ</sub>tan tu wichob mac. Jach yaj caj a wu'yaj ta worex caj a wirex u jats'ar a wet acs<sub>λ</sub>'orirex, a mac a wet binac caj chich jats'a'b u pachob ten a cu p'actiquechexob. <sup>34</sup> A techexo', caj a wirex otsir a wet acs<sub>λ</sub>'orirex a ti' y<sub>λ</sub>n c'<sub>λ</sub>ra'an tu cu ma'c<sub>λ</sub>r mac. Jach nem<sub>λ</sub>' bic techex tub caj u chucajob a ba'taquechex, quire' techex a werex ca' bin xiiquechex ich ca'an an je' u w<sub>λ</sub>c'<sub>λ</sub>s p<sub>λ</sub>quic pac u jer techex a jach manan tsoyir, ra' y<sub>λ</sub>nex tex munt q'uin ca'an an. <sup>35</sup> Rajen m<sub>λ</sub>' a y<sub>λ</sub>n tupsic a worex soc a bin a c'<sub>λ</sub>mex a ba' jach co'oj ti' C'uj. <sup>36</sup> M<sub>λ</sub>' ja wirej, ca' a qui' c<sub>λ</sub>nex nem<sub>λ</sub>' bic techex soc a quibiquex u t'<sub>λ</sub>n C'uj soc u yacsiquechex an ten bic caj u toc araj uch. <sup>37</sup> Quire' ti' toc ts'iba'an ich u t'<sub>λ</sub>n C'uj baxuc a je'ra':

Jach tabar u c'uchur a mac a cu tar an ten bic caj ya'araj uch. M<sub>λ</sub>' ju x<sub>λ</sub>ntar u c'uchur. <sup>38</sup> Chen a mac a cu yacsic tu yor ti' ten, quiij C'uj, jari' cu bin ruc'sa'bir u si'pir quir u cuxtar munt q'uin. Chen wa cu p'uspachtiquen, je' in wac'tic ti'e'. Baxuc caj ara'b ten C'uj uch.

<sup>39</sup> A to'onexo' caj ij cacsex tij corex ti' C'uj rajen raji' cu qui' c<sub>λ</sub>nantic ic pixamex baje'rer. A to'onexo' m<sub>λ</sub>' tij c<sub>λ</sub>nex a mac a tu p'uspachtob C'uj a cu bin sat<sub>λ</sub>r munt q'uin.

## 11

*Bic tabar a mac tu yacsob tu yorob ti' C'uj uch*

<sup>1</sup> Quire' tij cacsex tij corex rajen ic toc erex jach taj je' u ts'ic ti' to'onex C'uj a ba' tu toc araj to'onex

C'uj, ch<sub>λ</sub>ca'an u ts'ic ti' to'onex. A to'onexo', ij querex y<sub>λ</sub>n ba' ich ca'anan a m<sub>λ</sub>' ch<sub>λ</sub>ca'an ic jach iriquex yejer ic jach ichex. <sup>2</sup> A baxuco' y<sub>λ</sub>n ba', quire' ic nunquirex caj u yacsob tu yorob ti' C'uj, rajen a C'uko' cu ya'aric: "Robob jach tsoy."

<sup>3</sup> Quire' tij cacsex tij corex ti' C'uj, rajen ij toc erex wa ju b<sub>λ</sub>jiri' C'uj caj u betaj yoc'ocab, cax m<sub>λ</sub>na' ba' uch, quij, a C'uko' caj u t'<sub>λ</sub>naj ca' joc'ac ba', jeroj r<sub>λ</sub>c joq'uij.

<sup>4</sup> A Abelo', caj u yacsaj tu yor ti' C'uj, rajen caj u ts'ajaj u y<sub>λ</sub>r<sub>λ</sub>c' ti' C'uj u bo'orir u si'pir. A ray y<sub>λ</sub>c<sub>λ</sub>c'o', jach manan tsoy cax a ba' ts'a'bir ti' ten u sucu'un Caín ti' C'uj. Quire' a ts'a'b ti' ten Caín, m<sub>λ</sub>' ju c'<sub>λ</sub>maj C'uj. M<sub>λ</sub>' ja wirej, Abel caj u yacsaj yor ti' C'uj. Rajen C'uj caj u yiraj jach tsoy a ba' tu betaj Abel, quire' a ba' tu ts'aja ti' C'uj uch. Rajen C'uj caj ya'araj: "Jach tsoy Abelo'." A ucho' caj quimij Abel, chen quire' tu yacsaj tu yor ti' C'uj, cax q'uini**j** baje'rer tan u camsic ti' to'onex bic tabar ca' ij cacsex tij corex ti' C'uj an ten bic Abel caj u yacsaj tu yor ti' C'uj.

<sup>5</sup> A Enoco', caj u yacsaj tu yor ti' C'uj, rajen acsa'b Enoc ten C'uj ich ca'anan, cax ti' toy cuxa'an Enoc uch. U rac'ob a c<sub>λ</sub>ja'anob tu q'uinin Enoc, m<sub>λ</sub>' tu ca' irobi'. M<sub>λ</sub>' ja wirej, ti' ts'iba'an ti' Enoc ich u t'<sub>λ</sub>n C'uj uch, bic tabar raji' jach tsoy yirir ten C'uj quire' tu yacsaj tu yor ti' C'uj. <sup>6</sup> Soc tsoy yirico'onex C'uj ca' ij cacsex tij corex. Quire' a mac a cu yacsic tu yor ti' a cuxa'an C'uko', jari' robob cu bin yamta'bir ten C'uj.

<sup>7</sup> A Noéjo' caj u yacsaj tu yor ti' C'uj, rajen caj u quib u t'<sub>λ</sub>n C'uj caj u betaj u yajaw chem yejer u jor an ten bic u jor naj. Quire' caj u toc araj C'uj bin

u r<sub>AC</sub> ch'esic mac tu cotor a ti'ob y<sub>AN</sub> ich yoc'ocab uch, rajen Noé caj oquij ich u japnin yajaw chem yejer u b<sub>A</sub>job soc u tocarob ten C'uj. M<sub>A</sub>' ja wirej, yer Noé a ba' ara'b ten C'uj bin u ca' tar. A baywo' Noé caj u yesaj ti' u rac'ob je' u r<sub>AC</sub> sat<sub>AR</sub> u rac'ob a m<sub>A</sub>' ju quibob u t'<sub>AN</sub> C'uj. Rajen C'uj caj ya'raj: "Jach tsoyech Noé." Quire' tu yacsaj tu yor ti' C'uj, Noé.

<sup>8</sup> A Abrahamo', quire' tu yacsaj tu yor ti' C'uj rajen caj u quibaj a ba' ara'b ti' ten C'uj uch: "Ca' xic tech, quij C'uj, ich u jer ru'um a quin ts'ic tech Abraham." Caj binij Abraham cax m<sub>A</sub>' yer tu ju bin Abraham caj pay u ber ten C'uj. Tu r<sub>AC</sub> p'<sub>AT</sub>taj u cajar quir u bin. <sup>9</sup> Quire' tu yacsaj tu yor ti' C'uj Abraham, rajen tu p'<sub>AT</sub>taj u ru'umin, cax y<sub>AN</sub> u jach ts'urir u ru'umin tu cu bin uch. Raji' tu sinaj u noq'uir naj quir u c<sub>A</sub>jtar irej mac a cu naj bin. Bayiri' u parar Abraham, a Isaaco' yejer a Jacobo', toc ara'b ti'ob ten C'uj ch<sub>A</sub>ca'an u ts'ab<sub>AR</sub> u ru'uminob a ti'ob xano' xan. <sup>10</sup> Abraham caj u sinaj u noq'uir naj ich u ru'umin tu c<sub>A</sub>ja'an uch, quire' tan u pajic u tar p<sub>A</sub>ybir ten C'uj ich ca'anan soc raji' cu bin c<sub>A</sub>jtar ca'anan a toc beta' ten C'uj, an ten bic caj u tucraj Abraham. A raji'i', ti' y<sub>AN</sub> munt q'uin.

<sup>11</sup> Bayiri' xan, u rac' Abraham, u c'aba' Sara, caj u yacsaj tu yor ti' C'uj. M<sub>A</sub>' ja wirej, cax nuxib a Sarajo', cax man tu q'uinin u yiric y<sub>AN</sub>r<sub>AC</sub>' och. A Sarajo' yer ch<sub>A</sub>ca'an u pararanc<sub>AR</sub> quire' baxuc caj toc ara'b ten C'uj uch, quij. <sup>12</sup> Ti' a rayo', tu y<sub>AN</sub>xchun u pararanc<sub>AR</sub> ic nunquirex Abraham uch. U tiri' caj u y<sub>AN</sub>xchun u pimtar u parar cax jach nuxib Abraham pararn<sub>A</sub>jij. M<sub>A</sub>'

ja wirej, jach pimjij u parar Abraham an ten bic sab pim ich ca'an'an, baxuc u sa'amin chi' c'ac'nab, baxuc pimij u parar ic nunquirex Abraham. Ma' c'ucha'an ij corex ic xaquiquex mun pimin u parar.

<sup>13</sup> Robob, ic nunquirex caj r $\lambda$ c quimob uch. Tu cotor a ba' ara'b ten C'uj ti'ob ma' nup'sa'b a ba' toc ara'b ti' ic nunquirex uch. Chen ic nunquirex caj u pajob cu bin nup'sa'bir ten C'uj a ba' toc ara'ab ti'ob ten C'uj uch. Rajen qui' yorob quire' yerob ma' u binob c $\lambda$ jtar tera' ich yoc'ocab munt q'uin. Ma' ja wirej, ic nunquirex yerob cu chen manob tera' hasta cu c'uchur tu q'uinin cu binob ich ca'an'an. <sup>14</sup> Quire' baxuc caj ya'arob uch: "Ma' ic c $\lambda$ jtarex tera' ich yoc'ocab. Quic jamach c $\lambda$ jtarex tera'." A baxuco', caj u yesob ti' to'onex tan u pajacob ca' bin c'uchuc tu q'uinin u jach c $\lambda$ jtarob ich ca'an'an. <sup>15</sup> Wa caj u chen tucricob u c $\lambda$ jtarob tu ru'umin a caj u p' $\lambda$ tob uch, jeroj, tune', c'ucha'an yorob u w $\lambda$ c' $\lambda$ s sutob tu pachob. Chen ma' sutn $\lambda$ job tu pachob quire' ma' u c'atob u sutob tu pachob uch, quire' tan u pajacob uch a ba'quiri' ara'b ti'ob ten C'uj uch. <sup>16</sup> Chen aro' ma' tu tucrobi', quij, quire' yerob tu yorob jach manan tsoy ca' bin xicob ich ca'an'an. Rajen a C'uko' qui'jij yor yejerob, rajen caj u ya'araj ti'ob: "Jach tsoyechex", quij C'uj, quire' tan u c'axicob u cajar tu cu bin jach c $\lambda$ jtarob ich c'a'an'an.

<sup>17-18</sup> Ic nunquirex Abraham caj tumta'b yor ten C'uj quire' tu yacsaj tu yor ti'. Ma' ja wirej, ic nunquirex Abraham tu quibaj a ba' ara'b ti' ten C'uj. Rajen caj bin u chaquintej u parar Isaac tu cu naj quinsic y $\lambda$ r $\lambda$ c' quir u ts'ic ti' C'uj, cax

m<sub>λ</sub>na' u jer u parar. Tu chaquintaj u parar uch soc ch<sub>λ</sub>ca'an u quinsic u parar, cax ra' toc ara'b ten C'uj ti' Abraham: "Raji' Isaac, cu y<sub>λ</sub>xnchun a parar a cu bin c'<sub>λ</sub>mbir a ba' ara'b ti' ten C'uj uch."

<sup>19</sup> M<sub>λ</sub>' ja wirej, ra' ic nunquirex Abraham yer C'uj c'ucha'an yor u ric'sic u parar Isaac tu quimirir. Quire' caj u tucraj tu yor y<sub>λ</sub>n quinsa' u parar, chen m<sub>λ</sub>' quinsa'bir rajen irej wa w<sub>λ</sub>c'<sub>λ</sub>s ric'sa'b Isaac ten C'uj tu t'<sub>λ</sub>n ic nunquirex Abraham uch.

<sup>20</sup> Ic nunquirex Isaac, caj u yacsaj tu yor ti' C'uj, rajen caj ara'b ten Isaac ti' u parar Jacob yejer u parar Esaú, robob ch<sub>λ</sub>ca'an yamta'bir ten C'uj.

<sup>21</sup> Ic nunquirex Jacob, quire' caj u yacsaj tu yor ti' C'uj. Rajen jach tabar u c'uchur tu q'uinin u quimin Jacob, caj ara'b ten Jacob ti' u parar José cu bin yamta'bir ten C'uj soc y<sub>λ</sub>n ba' u c'at u parar a Joséjo', jujuntur u parar a Joséjo'. Pachir ic nunquirex Jacob caj u qui' t'<sub>λ</sub>ntaj C'uj, baxuc caj u betaj yoc'or u xonte' quire' nuxib caj nupraj uch. <sup>22</sup> Ic nunquirex José, quire' caj u yacsaj tu yor ti' C'uj, rajen tu chich araj a ti'ob u yet winiquirob israel, ca' bin c'uchuc tu q'uinin cu bin u r<sub>λ</sub>c p'<sub>λ</sub>ticob u ru'umin Egipto. Caj ya'araj: "Ca' bin xiquechex y<sub>λ</sub>n a toc cuchiquej in baquer", quij José.

<sup>23</sup> Bayiri' xan, u n<sub>λ</sub>' yejer u tet ic nunquirex Moisés, caj u yacsob tu yorob ti' C'uj. Rajen caj rocha'b Moisés ten u n<sub>λ</sub>' caj u purob ti' soc m<sub>λ</sub>na' mac cu yiric Moisés, rajen m<sub>λ</sub>' irir ten mac hasta manij tres ic n<sub>λ</sub>'. Robob m<sub>λ</sub>' tu ch'ajob sajquir a ba' ara'b ti' ten u rey ti' u ru'umin Egipto wa cu bin quinsbir tu cotor u chan ochir a xibo'. Caj taca'b ten u n<sub>λ</sub>' ti' a reyo' quire' yer C'uj cu bin u c<sub>λ</sub>nantic chan Moisés quire' u n<sub>λ</sub>' yejer u tet

caj u yirob jach tsoy u wich chan Moisés. <sup>24</sup> Ic nunquirex Moisés, quire' caj u yacsaj tu yor ti' C'uj, rajen caj ts'oc u ch'ijir Moisés mΛ' qui' yor quire' yuba' ch'a'b tsemta'bir ten xquic, ra' u parar u rey u winiquirob egipto. MΛ' u c'at yubic Moisés, mΛ' u nΛ', a xquico'. Quire' yubic ya'aric ra' u parar xquic. <sup>25</sup> Quire' a Moiséso', mΛ' man tu c'asir, mΛ' manij a ba' cu pachtic tu yor, a c'aso'. Qui' yor a Moiséso' wa ber caj u p'eri'quintaj u yor yejer yet winiquirob israel soc p'eri'ob u muc'yajob. <sup>26</sup> A Moiséso', caj u qui' tucraj wa jach manan tsoy ca' u rΛc p'Λtej tu cotor ba' a ra' yΛnin tu ru'umin Egipto quir u bin muc'yaj yejer yet winiquirob israel. Jach qui' yor caj muc'yajnΛjj Moisés a ucho'. Caj muc'yajnΛjj Moisés an ten bic Jesús caj u muc'yajnΛjj quire' u yet winiquirob israel. MΛ' ja wirej, Moisés yer a C'uko' cu bin ts'abΛr ti' Moisés a ba' jach manan tsoy ti'. <sup>27</sup> Quire' tu yacsaj tu yor ti' C'uj Moisés, cax ts'iuij u rey u ru'umin Egipto yejer Moisés, chen Moisés mΛ' tu ch'aj sajaquir ti'. MΛ' ja wirej, raji' caj u p'Λtaj u ru'umin Egipto quire' tu yacsaj tu yor ti' C'uj, a C'uko' a mΛ' ira'an ten mac.

<sup>28</sup> Quire' tu yacsaj tu yor ti' C'uj Moisés, rajen Moisés caj u sΛjtaj C'uj a ra' u q'uiniño' caj tar yΛjmasir u t'Λn C'uj, a tu potmastaj mac tu tu yiraj uch u q'uiq'uer a wits'c'Λbta'bo' uch. Rajen tu chich araj Moisés ti' tu cotorob u winiquirob israel ca' u baxtej u q'uiq'uer u yΛrΛc' tΛmΛn yuc tu jo'r yatoch tu cu naj ocarob tu yatochob soc mΛ' u bin quinsbir ten yΛjmasir u t'Λn C'uj u parar xib, a yΛn bat'an rocha'b ten u nΛ'. <sup>29</sup> U winiquirob israel, quire' caj u yacsob tu yorob ti' C'uj, ra-

jen c'ucha'an yorob u ch'acticob u chumuquir c'ac'nab, a pacha'an u c'aba' chac c'ac'nabi'. Ma' ja wirej, caj u ch'actajob an ten mac cu ch'acticob jach ru'um. Chen caj sayob tu pach, ra' u soldado u winiquirob egipto quir u tarob chucbir u winiquirob israel, caj wac'as tar ya'arir c'ac'nab ich yoc'or u soldado u winiquirob egipto, caj ral bintob ja', caj ral chuchob ten u ya'arir c'ac'nab.

<sup>30</sup> Rajen pachir u winiquirob israel, quire' caj u yacsob tu yorob ti' C'uj, rajen caj ral manob u baceristicob tu cajar Jericó, a yan u pa'te' ts'apquinta'an yejer tunich soc jach ca'anano'. Caj ts'oc u manob turiri' semana caj ral juba'b u pa'te'ir tu cajar Jericó. <sup>31</sup> A xquico', a mac u c'aba' Rahab, a cu naj man uch quir u jaric u taq'uino', caj u yacsaj tu yor ti' C'uj. Rajen caj u yacsaj tu yatoch a soldado u winiquirob israel, a tarob yiraj wa c'ucha'an yorob u ral quinsicob u winiquirob a cal'a'anob ich u cajar Jericó. Rajen caj toc a Rahabo' ten u winiquirob israel soc ma' u quinsa' yejer a mac a ma' tu quibob u t'an C'uj ich u cajar Jericó.

<sup>32</sup> Ti' toy yan ya'ab u winiquirob israel a tu yacsob tu yorob ti' C'uj uch, chen ma' c'ucha'an in wor in ral ts'ibtic techex quire' chaca'an u man ya'ab u q'uinin quir in ts'ibtic. A teno', quin chen c'asic techex ti' jun yarob an ten bic Gedeón, an ten bic Barac, an ten bic Sansón, an ten bic Jefté, an ten bic David, an ten bic Samuel, an ten bic a mac ts'ab u tucurob ten C'uj quir u tsicbarob a ba' ts'a'b ich u yorob, <sup>33</sup> quire' robob caj u yacsob tu yorob ti' C'uj, rajen caj ch'esa'b u cajar ten C'uj a mac a tu p'actob a ti'obo'. Ya'ab caj u qui' reyintajob u winiquir israel, ya'ab yamta'b ten C'uj an ten bic caj toc araj

ti'ob. Ya'ab caj u nupob barum caj toc ten C'uj soc mΛ' u chi'bir ten barum. <sup>34</sup> Ya'ab mac a tu yacsob tu yorob ti' C'uj, ragen robob caj toc ten C'uj soc mΛ' u tocar ten u rac'ob tu cu yerarob. Ya'ab xan, toc ten C'uj tu cu bin ch'Λcbir yejer mascab soc mΛna' ba' cu yubob. Ya'ab mac a tu yacsob tu yorob ti' C'uj, cax mΛna' u chichir u muc', jeroj tune', caj ts'a'b u muc' ten C'uj soc jach chich u muc'. Ya'ab mac a tu yacsob tu yorob caj yamta'b ten C'uj tu ts'iquijob soldados, a mΛ' u winiquirob israel, ragen caj rΛc ch'esa'b ten mac a yacsmanob tu yorob ragen caj u quinsob a soldadojo'. <sup>35</sup> Bayiri' xan, yΛn xquic uch, quire' tu yacsob tu yorob ti' C'uj, ragen ric'sa'b ten C'uj tu quimirir a mac jach yajbir a xquico', quire' u yaj u parar a xquico', jeroj, caj wΛc'as bin tu yatoch.

YΛn ya'ab mac xan, a yacsmanob tu yorob uch ti' C'uj ragen caj c'asquinta'b ten u rac'ob, caj chich xit' u winquirir hasta caj rΛc jat u bΛq'uer. Chen robob mΛ' tu p'uspachtob C'uj quire' yerob chΛca'an ric'sa'bir ich u quimirir soc ca' bin assac ten C'uj ich ca'anan quir u cΛjtarob tu jach manan tsoy. <sup>36</sup> Ya'ab aro', caj chuca'b ten u rac'ob, caj p'asta'b, caj jats'a'b u pachob, caj c'arij yejer mascab caj purob mΛcbir tu cu macar winicob. <sup>37</sup> Ya'ab aro' caj ch'ina'b u jo'r soc u quininob. YΛn ya'ab uch caj bujch'Λcaj yejer jixib uch. YΛn ya'ab uch, caj quinsa'b yejer mascab. YΛn ya'ab uch, caj manob ich tΛcay ru'um cu chen buquinticob u noc' a beta'b ti' yot'er yΛrΛc' chivo, bayiri' xan yejer u yot'er yuc. Tan u manob jach otsirchΛjob, mΛna' yo'och quir u janticob quire chucob u pachob uch. <sup>38</sup> Robob caj cΛjracob ich tΛcay ru'um a tu c'ucha'an

yorob ti', cax ich wits, cax tu jorir ru'um, cax tu japnin tunich. Chen  $\Delta$ c $\Lambda$ tan tu wich u rac'ob p'acta'b, chen  $\Delta$ c $\Lambda$ tan tu wich a C'uj'o' jach yaj. <sup>39</sup> A C'uj'o' cu ya'aric ti'ob: "Jach tsoyechex", quire' tu yacsob tu yorob ti' C'uj. Chen tu cotor ba' a toc ara'b ti'ob ten C'uj ma' toy nupuqui' a ba' cu bin ts'a'bir ti'ob. <sup>40</sup> Quire' toc ara'bob ten C'uj u pajob u q'uinin ca' u r $\Delta$ c acso'onex ich ca'an an soc u tar yorob soc jach ti' y $\Delta$ n yorob yejero'onex.

## 12

*Ca' ij qui' asex tij corex ti' ic Jaj Ts'urirex Jesucristo*

<sup>1</sup> Quire' ic toc erex ti' y $\Delta$ n ya'ab mac a cuxa'an ob ucho', a tu yesob bic tabar tu yacsob tu yorob ti' C'uj uch. Rajen ca' ij qui' tucrex ca' ic p' $\Lambda$ tex a ba' c'asir quic pachtex tij corex, an ten bic a mac tan u jach p'isic u b $\Delta$ j tub u c' $\Lambda$ nic yacab soc u c'uchur p $\Lambda$ yber tu y $\Delta$ n u p'is. Bayiri' xan, a to'onexo', ca' ic sayirex tu pach C'uj tan ij quibiquex a ba' u c'at C'uj. <sup>2</sup> Rajen ca' ij quibex ic Jaj Tsurirex Jesucristo quire' ra' caj u ts'ajaj ti' to'onex ic muq'ue x quir ij acsiquex tij corex ti' C'uj soc u yacsico'onex ich ca'an an. M $\Lambda$ ' ja wirej, u w $\Lambda$ c' $\Lambda$ s b $\Delta$ jiri' caj u c'ub u b $\Delta$ j soc u quinsa' ich cruz, tu jach muc'yajn $\Lambda$ jj. Nem $\Lambda$ ' bic caj u muc'taj quire' yer ca' bin ts'oca qui' jach nequi' yor. A baje'rero', ti' cuxa'an ic Jaj Ts'urirex ich ca'an an ich u noj C'uj.

<sup>3</sup> Qui' tucrex, qui'j, ic Jaj Ts'urirex Jesucristo bic tabar caj u qui' muc'taj a tu chucajob u pach uch ten mac, a y $\Delta$ n u si'pirob, soc m $\Lambda$ ' u tupsic a worex soc m $\Lambda$ ' a p' $\Lambda$ tiquex u t' $\Lambda$ n C'uj. <sup>4</sup> Cax tan a muc'yajex baje'rer tu cu chuquicob a pachex, m $\Lambda$ '

a y<sub>an</sub> ac'tiquex a b<sub>aj</sub> quire' mix turiri' ich techex ca' quinsaquechex an ten bic caj quinsa'b Jes<sub>us</sub> uch, quire' tan a ba'tetiquex a si'piro' tu y<sub>anechex</sub>.  
**5** C'aj wa techex a ba' ts'ibta'b ten a mac a ts'a'b u tucur ten C'uj quir u ts'ibtej a ba' u c'at C'uj uch? Raji' caj u ya'araj:

A teno', quij a Jaj Ts'uriren C'uj, quin chen camsic tech in pararech ca' a c<sub>anej</sub> tech quir a man tu tsoyir. C<sub>amej</sub> a ba' quin q'ueyiquech. M<sub>a</sub>' a y<sub>an</sub> choctar a wor tu quin q'uyiquech. **6** A C'uko' tan ya'aric: a werex ten y<sub>aninobechex</sub>, in jach yajechex chen a techexo' quin camsiquechex ca' a c<sub>anex</sub> soc a manex tu tsoyir. Baxuc caj ara'b ten Jaj Ts'ur C'uj uch.

**7** Rajen qui' muc'tex a ba' yajirir a cu tar ti' techex, quire' C'uj tan u camsic techex ba' quir a c<sub>aniquez</sub>. M<sub>a</sub>' ja wirej, raji' C'uj cu yiric techex an ten bic u parar rajen, raji' quir u yamtic techex. Ij querex tu cotor mac a cu q'ueyic u parar cu q'ueyic soc u yamtic ti'ob. **8** A mac a m<sub>a</sub>' camsa' ten C'uj quir u c<sub>anej</sub> ba', an ten bic C'uj cu camsic tu cotor u parar ca' u c<sub>anej</sub> quir u yamtic ti'ob. Robob m<sub>a</sub>' u jach pararob. Robob irob u pararob a xquico', a y<sub>an</sub> u parar tu cu man. M<sub>a</sub>' ja wirej, ra' pararo' m<sub>ana</sub>' u jach tet, quij. **9** Wa ber caj u tsemto'onex ic n<sub>a</sub>'ex yejer ic tetex uch robob caj u q'ueyaj to'onex uch quir u yamticob ti' to'onex, rajen caj ic s<sub>a</sub>jtex ic tetex yejer ic n<sub>a</sub>'ex. Jach manan tsoy xan ca' ic s<sub>a</sub>jtex ic Tetex C'uj a c<sub>aja'an</sub> ich ca'anan. Quire' raji' cu q'ueyic to'onex soc ij cuxtarex an ten bic C'uj u c'at ca' cuxraco'onex. Jach no'j ca' ij c<sub>a</sub>mex u q'ueyic to'onex ic Tetex C'uj. **10** Caj

u tsemto'onex ic n<sup>l</sup>'ex yejer ic tetex uch, caj u q'ueyajo'onexob quir u yamtic to'onex an ten bic caj u najtobi'. Chen jach manan tsoy ti' to'onex wa C'uj cu q'ueyiquo'onex quire' raji' cu pachtic ca' ij c<sup>l</sup>anex C'uj soc ij cuxtarex an ten bic C'uj cu pachtic ca' cuxr<sup>l</sup>co'onex ich yoc'ocab. <sup>11</sup> Wa ber cu q'ueyico'onex C'uj, m<sup>l</sup>' ic jach pachtiquexi' u q'ueyico'onex, quire' jach yaj quij cu'yiquexi' u q'ueyico'onex C'uj. Chen wa ber caj ts'oc ic natiquex biquin caj u q'ueyo'onex aro' jach tsoy. M<sup>l</sup>' ja wirej, jach manan tsoy ca' ic najtex soc ca' cuxr<sup>l</sup>co'onex an ten bic C'uj u pachtej ij cuxtarex soc ti' y<sup>l</sup>n ij corex.

*Biquinin jach c'as a mac a cu p'uspachtic ti' u t'<sup>l</sup>n C'uj.*

<sup>12</sup> Toc c'ub a b<sup>l</sup>jex ti' C'uj soc raji' cu bin u chichquintic a c'<sup>l</sup>abex tu ca'an a c'<sup>l</sup>bex, baxuc a woquex tu ca'an a woquex. <sup>13</sup> Rajra' ca' ximbarex ich u berir a tajo', soc m<sup>l</sup>' u yajtar yoc a mac yaj yoc chen ca' tsoyaqui'.

<sup>14</sup> Qui' tucrex a manex tu tsoyir, m<sup>l</sup>' a ts'i quintex mac, toc quibex aro', quire' a c<sup>l</sup>aniquex C'uj soc a binex ich ca'an. <sup>15</sup> Qui' irex techex, quij, soc m<sup>l</sup>na' mac cu p'uspachtic u jach tsoyir u pixam C'uj quir u p'<sup>l</sup>tej u jach tsoyir u pixam C'uj. Qui' c<sup>l</sup>anantex a b<sup>l</sup>j soc m<sup>l</sup>na' mac ich techex ca' u c<sup>l</sup>anej chan p<sup>l</sup>c'aro', a jach c'ajo', a ca' bin ts'ocac u ch'ijir, je' u c'ajquintic ya'ab mac yejer u c'ajir. <sup>16</sup> M<sup>l</sup>' a y<sup>l</sup>n c<sup>l</sup>jtarex yejer a mac a m<sup>l</sup>' ch'a raq'uintej, a m<sup>l</sup>' ta ch'a m<sup>l</sup>mintej xan. Bayiri' xan, m<sup>l</sup>' a y<sup>l</sup>n p'<sup>l</sup>tiquex a ba' jach tsoy ti' techex an ten bic Esaú caj u p'<sup>l</sup>taj. M<sup>l</sup>' ja wirej, raji' quire' a ch<sup>l</sup>c jan<sup>l</sup>no', a ts'a'b ti',

caj u c'axaj u jach tsoyir u t'Λn u tet Isaac, a mac cu bin u p'Λtic ti', quire' sucu'unbir a Esaújo', soc raij' yΛnin a ba' toc ara'a ten C'uj ti' u tet uch. <sup>17</sup> C'aj techex, caj c'uchij tu q'uinin u tet caj ts'ab ti' yits'in ten u tet? Ma' ts'abac ti' Esaú ten u tet, cax caj u qui' ac'taj u bΛj ti', quire' toc con ti' yits'in Jacob ten Esaú uch. Ma' bic tabar u ca' c'axic quire' toc ts'a'b ti' yits'in uch.

<sup>18</sup> Ma' ja wirej, ic nunquirex uch, caj muc'yajnajob uch, chen ma' ba'wir ti'ob ca' muc'yajnacob. Ma' ja wirej, caj binob ich u jo'r p'uc wits caj u ch'en jac' yorob quire' ti' taro' tan yerar u ch'ic yum c'ac', caj jach ac'birchajij, caj tarrij u ch'ic yum ic' xan. <sup>19</sup> Quire' ic nunquirex caj yubaj utsta'bir bajen u bac wacax. Caj yubaj C'uj tan u t'Λnic ti'ob. Rajen cu jach jac'ar yorob ti' u t'Λn C'uj, caj u ya'arajob ca' u chan su'sej u t'Λnob ti'. <sup>20</sup> Caj u ch'ajob ch'ic yum sajaquirob ic nunquirex uch, quire' a C'upo' caj u betaj u jo'r p'uc wits' a cu jac'ar yor mac. Ma' ja wirej, C'uj caj u toc araj u ch'inin u jo'r mac cax rΛmbir yejer ransa, cax yΛrΛc' xan, ca' quinsac wa cu nats'arob ich wits. Rajen tu sajtajob u winiquirob israel. Yerob bin u ca' quinsbirob. <sup>21</sup> Ra' u jo'r a p'uc witso' a cu jac'ar yor mac, a caj yirob. Rajen sajta'b ten u winiquirob israel, bayiri' xan, caj jac yor Moisés xan, quire' caj qui'quirΛnΛjij Moisés uch. Quire' u bΛjiri' araj Moisés: "Tan in qui'quirΛncar a teno", quij Moisés uch.

<sup>22</sup> Chen a to'onexo', jach manan tsoy ti' to'onex, quire', ma' ic binex ich a ray u jo'r p'uc witso', quire' ts'oc ij c'uchurex u jo'r u witsir Sión, ra' u cajar C'uj, a cuxa'ano', a mac a yΛn u muc' a cu jac'ar

yor mac. A ray cajaro' ti' y<sub>λ</sub>n jach pim y<sub>λ</sub>jmasirob u t'<sub>λ</sub>n C'uj a tan u r<sub>λ</sub>c qui' t'<sub>λ</sub>nicob C'uj. <sup>23</sup> Ti' taro' ich ca'anana, je' u p'eri' much'quintico'onex C'uj yejer a ra' y<sub>λ</sub>nino'onex C'uj quire' ruc'sa'b ic si'pirex ten C'uj. A ti' taro' xano', y<sub>λ</sub>n u ju'unin ich ca'anana a toc r<sub>λ</sub>c ts'ibta'b u c'aba' a yacsma<sub>λ</sub>nob tu yorob. A C'uko' raji' juez ti' tu cotor mac cax a y<sub>λ</sub>n u si'pirob. Ra' C'uj xan, a mac a tu waysaj u b<sub>λ</sub>j tu cotor ba', a C'uko' caj u pacht u waysicob u b<sub>λ</sub>j. <sup>24</sup> Ma' ja wirej, tij cacsex tij corex ti' ic Jaj Ts'urirex Jesucristo xan, a mac a y<sub>λ</sub>n u muc' a quet u t'<sub>λ</sub>no' a ric'beno'. Raji' tan u t'<sub>λ</sub>nic C'uj ti' to'onex. Ra' tu c'ubaj u b<sub>λ</sub>j soc u quinsa' ca' joc'ac u q'uiq'uer soc C'uj cu jawsic ic si'pirex. Ij querex, a Abelo' uch, caj quinsa'b ten u yits'in Cain. Caj joq'uij u q'uiq'uer Abel, ra' m<sub>λ</sub>' tu yamtaj mac quire' m<sub>λ</sub>' coji', quire' a Cristojo' jach co'oj u q'uiq'uer.

<sup>25</sup> Quire' C'uj ra' y<sub>λ</sub>nino'onex, rajen, qui' c<sub>λ</sub>nantex a b<sub>λ</sub>jex. Quire' m<sub>λ</sub>' tan a p'uspachtiquex a ba' tu chich araj techex ca' a quibexi'. C'aj techex ic nunquirex uch, caj u p'uspachtajob a ba' chich ara'b ten C'uj ca' u quibob ich u jo'r p'uuc wits. Chen robob m<sub>λ</sub>' toc ten C'uj. Baxuc a to'onex xan, ch<sub>λ</sub>ca'an m<sub>λ</sub>' u taquico'onex C'uj wa quic p'uspachtiquex a ba' tu chich araj to'onex ca' ij quibex xan, quire' ra' cu tar ti' ca'anano'. <sup>26</sup> Ra' u q'uinino' ich u jo'r p'uuc wits uch ber caj chich ara'b ti'ob C'uj, jeroj, pecn<sub>λ</sub>jij u ru'umin. <sup>27</sup> Bayiri' xan, jach no'j ca' ij cu'yiquex ca' ij quibex a ba' tu toc araj baje'rer, quire' tu toc araj: "Je' in w<sub>λ</sub>c'<sub>λ</sub>s chich aric ti' mac. Ma' u chen pec u ru'umin, quin bin in jubsic tu cotor a ba' a ti' y<sub>λ</sub>n ich ca'anana a m<sub>λ</sub>' u p'at<sub>λ</sub>r. Jari' cu bin p'at<sub>λ</sub>r a ba' tin toc araj ca'

p'atac.” <sup>28</sup> Rajen, ca' ij carex ti' C'uj: “Bayo' C'uj, quire' quic bin ij c<sup>λ</sup>jtarex yejerech C'uj quire' tech C'uj reyech, y<sup>λ</sup>n a muc'. A muc'oj, caj a ts'ajo'onex, m<sup>λ</sup>' u bin xupur ic muc' tu quic reyintiquech C'uj.” Ca' ij c'ujintiquech C'uj yejer tu cotor ic pixamex tu quic s<sup>λ</sup>jтиquech C'uj. <sup>29</sup> Baxuco', ca' ij c'ujintiquech C'uj, quire' u muc' C'uj jach manan jac'<sup>λ</sup>r yor mac, quire' cu bin u joc'sic a mac a mac a y<sup>λ</sup>n u si'pirob ich c'ac' tu cu binob.

## 13

### *Bic tabar ij qui' c'ujintiquech C'uj*

<sup>1</sup> M<sup>λ</sup>' a p'atiquex a yajquintiquech a wet acs<sup>λ</sup>orirex. <sup>2</sup> Qui' acsex a mac a cu c'uchur ta watochex. M<sup>λ</sup>' ja wirej, y<sup>λ</sup>n mac a tu yacsaj mac tu yatoch caj u yacsaj u y<sup>λ</sup>jmasirob u t'<sup>λ</sup>n C'uj, cax m<sup>λ</sup>' yirm<sup>λ</sup>n mac, ca' tu yacsaj ti'.

<sup>3</sup> Yajquintex a mac a c'<sup>λ</sup>ra'an tu cu ma'c<sup>λ</sup>r winicob irechex wa ja b<sup>λ</sup>j c'<sup>λ</sup>ra'an yejerob tu cu ma'c<sup>λ</sup>r winicob. Yajquintex a mac chuca'an u pachob quire' peri' c<sup>λ</sup>ja'anechex yejerob ich yoc'ocab.

<sup>4</sup> Tu cotorechex, a y<sup>λ</sup>n a raq'uex, bayiri' xan, a y<sup>λ</sup>n u mamo', m<sup>λ</sup>' a y<sup>λ</sup>n manex yejer a mac ch'aJa'an ten u jer mac quire' a C'uj'o' je' u ts'ictar yejer tu cotor mac a cu manob yejer a m<sup>λ</sup>' ch'a'an winic, quet bayiri', yejer a mac a cu manob yejer toc ch'a'an winic xan.

<sup>5</sup> M<sup>λ</sup>' a pachtiquech a taq'uinech. Qui'quint a worex yejer a ba' y<sup>λ</sup>n techex, quire' a C'uj'o' tu toc araj m<sup>λ</sup>' u p'<sup>λ</sup>techex ta junanex, m<sup>λ</sup>' ju bin u p'uspachtiquechex C'uj. <sup>6</sup> Rajen, ca' ij qui' quibex ti' an ten bic ic nunquirex uch. M<sup>λ</sup>' ja wirej, caj ts'ibta'b uch:

Ra' cu yamtiquen in Jaj Ts'ur C'uj, ragen m<sup>λ</sup>' in wac'tic in b<sup>λ</sup>j, cax cu chuquicob in pach in rac'ob.

<sup>7</sup> Ca' a c<sup>λ</sup>nex a jach ts'urirex a tu tsec'tatechex u t'<sup>λ</sup>n C'uj uch. C<sup>λ</sup>nex bic tabar caj manob tu tsoyir soc a say<sup>λ</sup>rex tu pachob, tan a wacsic ta worex an ten bic tu yacsob tu yorob a jach ts'urirex uch.

<sup>8</sup> A ic Jaj Ts'urirex Jesucristojo' u berero', m<sup>λ</sup>' u c'axic m<sup>λ</sup>' biq'uin, raji' u w<sup>λ</sup>c'<sup>λ</sup>s b<sup>λ</sup>jiri' a jo'rajo', raji' u w<sup>λ</sup>c'<sup>λ</sup>s b<sup>λ</sup>jiri' baje'rer, raji' u w<sup>λ</sup>c'<sup>λ</sup>s b<sup>λ</sup>jiri' saman xan. <sup>9</sup> M<sup>λ</sup>' a y<sup>λ</sup>n c<sup>λ</sup>niquex a ba' a cu naj tus camsicob mac ti' u C'uj. Jach manan tsoy ca' a quibex a ba' cu ya'aric C'uj soc u chichquintic a worex C'uj, quire' a C'uko' u yajechex. M<sup>λ</sup>' ja wirej, m<sup>λ</sup>' a y<sup>λ</sup>n c<sup>λ</sup>niquex a ya'ab ba' an ten bic cu tus camsicob ti' mac ich yoc'or u yo'och a cu janticob. Quire' m<sup>λ</sup>' ba'wir ti' a mac a ti' y<sup>λ</sup>n a cu c'ujinticob C'uj.

<sup>10</sup> Baje'rer tij cacsex tij corex ti' Cristo a mac joc' u q'uiq'uer ich cruz. Chen a sacerdotejo' ti' a quet u t'<sup>λ</sup>no', a uchben t'<sup>λ</sup>no', m<sup>λ</sup>' c'ucha'an yorob u yacsicob tu yorob ti' Cristo, a robob a ti' toy cu say<sup>λ</sup>rob tu pach a ray u quet u t'<sup>λ</sup>no'. <sup>11</sup> Bayiri' xan, tu q'uinin u muc' a quet u t'<sup>λ</sup>no', a uchben t'<sup>λ</sup>no', a tu ts'ibtaj Moisés uch, caj c'uchij sacerdote, a jach no'jo' tu y<sup>λ</sup>n u cuchir a ra' cu jac'λr yor maco'. Raji' a sacerdote, a jach no'jo' cu c'uchur yejer u q'uiq'uer y<sup>λ</sup>r<sup>λ</sup>c', a quinsa'b, ra' quir u ruc'sic u si'pirob u yet winiquirob israel ten C'uj. Chen u b<sup>λ</sup>q'uer a y<sup>λ</sup>r<sup>λ</sup>c'o', a ts'oc u quinsic quir u joc'sic u q'uiq'uer. A ra' b<sup>λ</sup>q'uelo', caj u puraj ich tancab tu cajar soc u r<sup>λ</sup>c to'quic. <sup>12</sup> Baxuco', ic Jaj Ts'urirex Jesucristo caj sinij ich cruz ten u

winiquireb romano soc u quimij ich tancab tu cajar Jerusalén. A ti' taro', caj joc' u wac'as q'uiq'uer soc a C'uj' caj u jawsaj u si'pirob a mac tan u tocar ten C'uj. <sup>13</sup> Rajen ca' ij cacsex tij corex ti' ic Jaj Ts'urirex Jesucristo tan ic sayarex tu pach. Ca' ic p'antiquex u muc' a quet u t'anō', a uchbeno', cax cu p'astico'onex ij quet winiquirex israel an ten bic caj u p'astob Jesús ij quet winiquirex israel. <sup>14</sup> Ma' ja wirej, ic toc erex, a to'onexo', ma' ic bin ij cajtarex te' ich yoc'ocab munt q'uin. Chen ic toc erex wa raji' cu bin u yacsico'onex ich ca'anan munt q'uin quire' tij cacsex tij corex. <sup>15</sup> Quire' ic toc erex aro', rajen ca' ij quibex ic Jaj Ts'urirex Jesucristo, ma' tan ic p'antiquex ij cariquex ti' C'uj: "Bayo' C'uj", tan ij qui' t'antiquex C'uj yejer ij caq'uex tu quij c'ā'otiquex u muc' C'uj. <sup>16</sup> Manenex tu tsoyir tan a yajquintex a mac a otsichajjob, ca' a yamtex ti' quire' aro' jach tsoy tu wich C'uj.

<sup>17</sup> Ca' a sājtex a ts'urirex tu ca much'quintiquex a bājex quir a wu'iquex u t'an C'uj. Ca' a quibex a ba' cu ya'acob ti' techex, quire' ra' u beyajob a ts'urirex, ti' techex, soc taj ca wacsaj ta worex ti' u t'an C'uj. Robob bin u ca' u toc nuncob ti' C'uj quire' a pixamex. Manenex tu tsoyir soc ma' u tucriquechex a ts'urirex soc qui' yorob quire' techex. Quire' wa ma' a manex tu tsoyir an bic caj u camsechex a ts'urirex, ma' ba'wir ti' yaj yubicob.

<sup>18</sup> T'anex C'uj ti' to'onex. Ma' ja wirej, ij querex tan ic manex tu tsoyir. Bayiri' xan, tan ic pachiquex soc rajra' quic manex tu tsoyir. <sup>19</sup> A teno' in jach c'at ca' a t'anex C'uj ca' chabāquen ca' sutnāquen soc tabar in wiriquechex.

*Cu t'Λnic u bΛjob*

<sup>20</sup> Raji', ij C'ujirex, a cu yamtico'onex, soc ti' yΛn ij corex. Raji' tu wΛc'as ric'saj ic Jaj Ts'urirex tu quimirir. Raji' cu cΛnantic to'onex irej a mac a cu cΛnantic u yΛrΛc' tΛmΛn yuc. MΛ' ja wirej, a Jesύso', caj u c'ubaj u bΛj ca' quinsac quir u joc'ar u q'uiq'uer. Rajen toc nup'a'an a ba' ts'iba'an ich u t'Λn C'uj uch, soc baje'rer ti' yΛn a quet u t'Λno', a ric'ben t'Λno'. <sup>21</sup> A teno' quin pachtic u ts'ic ti' techex C'uj tu cotor a ba' jach tsoy, soc ca' a betex a ba' u c'at C'uj. Ca' ic ts'iquex ic pixamex quir ij qui'quintiquex u yor C'uj yejer Jesucristo xan, ca' ic betex a ba' u c'at C'uj, ca' ij caremquintej u c'aba' munt q'uin. Jeroj.

<sup>22</sup> A teno' caj in chich c'ataj techex in wet acsΛ'orirex ca' a quibex u t'Λn C'uj. MΛ' neya'ab caj in ts'ibtaj techex, rajen muc' techex a ba' tin chich araj techex. <sup>23</sup> Tan in wa'aric ca' a najtex wa cu cha'bΛr Timoteo ij quet acsΛ'orirex tu cu ma'cΛr winicob. Wa seb cu c'uchur Timoteo tu yΛnen, quet ca' bin taquenob tu yΛnechex quir in wiric techex.

<sup>24</sup> T'Λnex tu cotor a ts'urirex tu ca much'quintiquex a bΛjex quir a wu'yiquex u t'Λn C'uj. T'Λnex tu cotor in wet acsΛ'orirechex. Robob ij quet acsΛ'orirex, a cu tar tu ru'umin Italia, tan u t'Λniquechex xan. <sup>25</sup> Tan in t'Λnic C'uj ca' u yamtnej techex, ca' u yajquintic techex xan, jeroj ts'oquij.

## A quet u t'ano' a ric'beno'

### New Testament in Lacandon (MX:lac:Lacandon)

copyright © 1978 Wycliffe Bible Translators, Inc.

Language: Lacandon

Translation by: Wycliffe Bible Translators, Inc.

Lacandón [lac], Mexico

### Copyright Information

© 1978, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### The New Testament

in Lacandon

### © 1978, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

liv

PDF generated using Haiola and XeLaTeX on 11 Nov 2022 from source files  
dated 29 Jan 2022  
e946bbf1-bc43-5557-a783-a3482d69cb01